

जाँयस
मेयर

यीशु

नांव जम्मो नांव
ले ऊंचा

अपन जीनगी मं ओकर अभिषेक ल दिखाना

यीशु नांव जम्मो नांव ले ऊंचा

अपन जीनगी मं ओकर अभिषेक
ल दिखाना

यीशु नांव जम्मो नांव ले ऊंचा

अपन जीनगी मं ओकर अभिषेक
ल दिखाना



जॉयस मेयर



JOYCE MEYER
MINISTRIES

Nanakramguda, Hyderabad - 500 008

Unless otherwise indicated, all Scripture quotations are taken from The Amplified Bible (AMP). The Amplified Bible, Old Testament copyright © 1965, 1987 by The Zondervan Corporation. The Amplified New Testament, copyright © 1965, 1958, 1987 by The Lockman Foundation.
Used by permission.

Scriptures marked KJV are taken from the King James Version of the Bible.

Copyright © 2011 by Joyce Meyer Ministries - Asia

All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries - Asia.

Joyce Meyer Ministries - Asia
Nanakramguda,
Hyderabad - 500 008

Phone: +91- 40-2300 6777
Website: www.jmmindia.org

Jesus Name Above All Names - *Chattisgarhi*

Releasing His Anointing In Your Life

First Print 2011

Printed at:

Caxton Offset Pvt. Ltd.
Hyderabad - 500 004

सूची पत्र

परिचय	7
1. ओकर नांव मं सामर्थ हवय	11
2. नांव अउ विश्वास	21
3. नांव के उपयोग करना	33
4. ओकर नांव बेकार झन लेहव	47
5. आदर अउ सम्मान	55
6. नांव अउ रिस्ता	63
निष्कर्ष	71
परभु यीशु मसीह के साथ व्यक्तिगत रिस्ता बनाय बर पराथना	73

परिचय

मनुष के नांव मं काय रखे हवय? ओकर नांव मं लोग मन के समझ ले कहुं जाहा बढ के हवय।

नांव एक मनुष के प्रतिनिधि होथे। वो ओकर खास स्वभाव ल व्यक्तित्व देथे। वो ओकर पहिचान कराथे, अउ दुसर मन ले ओला अलग करथे।

जब हमन कोनो ल ओकर नांव ले पुकारथन त हमन सिरिफ नांव भर नइ बोलन, हमन ओ मनुष के बारे मं कुछ बात घलो बता देथन।

उही परकार जब हमन यीशु मसीह के नांव लेथन त सिरिफ ओकर नांव ल ही नइ लेवन, पर ओकर नांव दुआरा कुछु वर्णन करथन, ओकर सामर्थ ले मिलथन जोन मनुष के सामर्थ नोहय पर पनमेसर के जम्मो सामर्थ अउ अधिकार आय। (कुलुस्सियों 2:9,10)

जब हमन एक मनुष के नांव लेथन त ओ मनुष के वर्णन करथन – यीशु के मतलब होथे उद्धारक, अउ हमन ओला उही परकार पुकारथन जैइसे वो हमर बर करथे। वो हमला पाप ले बचाथे, हमर असफलता मन ले, हमर गलती मन ले हमर जम्मो हालत मन ले बचाथे, जेमन ओकर इच्छा के विरुद्ध हवयं। (मत्ती 1:21)

बाइबिल बताथे कि यीशु मसीह के नांव ले उपर अउ बड़े कोनो नांव मन नइ हे। अउ हमला सिखाथे कि जैइसे हमन यीशु मसीह के नांव पुकारथन,

यीशु मसीह के नांव मं हर परानी के उपर सामर्थ अउ अधिकार हवय, चाहे सरग के उपर होवय या पिरथी के उपर अउ चाहे पिरथी के नीचे मां (फिलिप्पियों 2:9-10)

यीशु के नांव यीशु ल परगट करथे जब हमन ओकर नांव मं पराथना करथन, त अइसे होथे कि जैइसे यीशु ही पराथना मं मागत होवय।

जब हमन पराथना मं यीशु के नांव लेथन त ओकर सामर्थ उही बखत हमर बर उपस्थित हो जाथे।

कोन किसम के सामर्थ?

दुसर ल आशीष देय के सामर्थ, सामर्थ जोन हमर बर सहायता लाथे, जम्मो बढ़िया चीज के मजा उठाय के सामर्थ, जेमन ल पनमेसर हमर जीनगी बर इच्छा बनाय हवय।

बहुत बार जब मैं सभा मं सेवा करथं, मन मं यीशु मसीह के नांव लेथं, त मैं ओकर उपस्थिति ल काम करत अनुभव करथं। मोला विश्वास होथे कि लोग मन बयमारी ले बेने होवत हवं, अउ आत्मा ले मरत हवं। हमन ल यीशु के नांव के सामर्थ के परकासन के जरूरत हवय।

मैं “बचन, नांव, खून” नांव के एक पुस्तक कुछ साल पहिली लिखे रहें। अमी थोड़ा समे पहिली “यीशु के नांव” के बारे मं पढ़ाय बर तैयारी करत रहें, त मैं पहिले यीशु के नांव वाला भाग ल फिर पढ़त रहें। मोला ये विश्वास होइस कि पनमेसर ये विषय मं मोर उत्साह ल बढ़ावत हवय। मैं ये समझ गयें कि पनमेसर यीशु के नांव अउ अधिकार के बारे मं नवा बात मोला सिखाही।



चाहे हमन पनमेसर के नांव के सामर्थ के बारे मं कतना भी जान लेवन पर हमन ओकर अलावा अउ मी बता सीख लेथन या हमन पहिले ले सीखे बात मन ल ताजा कर सकथत।

पनमेसर ये नइ चाहय कि हमन ओकर बचन के बारे मं जोन नीव के शिक्षा हवय ओमन ल भुला जावन ओ ये बात ल जानथे कि अगर हमर विश्वास ये विषय मं उत्तेजित नइ होही, त चाहे हमन कुछु भी कर लेवन, समस्या के हल नउ निकलही।

अगर मसीही होय के नाते तुमन ल लगथे कि कुछ ठीक-ठाक नउ होवत हवय जइसे कि पहिली होवत रिहिस... त ये ये सति हो सकथे कि तुमन नीव के शिक्षा के शब्द मन मं “यीशु के नांव के सामर्थ” के बारे अंतर्दृष्टी हवय ओला भूला गये होहव।

तोला अइसे लगत होही कि ये बात ले बाढ़ के अउ बहुत अकन बात मन हवंय जेमा तुमन समे देवत होहू पर तुमन ल अइसे कमु नइ लगना चाही कि पनमेसर के नांव के बारे मं सीखना महत्व के नइ हो।

अगर तोर पनमेसर के साथ संबंध नउ हवय त तोला ये बात ल जानना महत्व के हवय कि ओकर नांव मं ओ सामर्थ हवय जोन ओ हालत ल बदल सकथे जेमन मं तुमन परेशान हवव। बस तोला एक काम ही करना हे कि तुमन ओ सामर्थ ल गरहन कर लेवव जोन ल वो अपन नांव के साथ देवत हवय।

ओकर सामर्थ ले तुमन परेशानी मन के हल निकाल सकथव। मैं तुमन ल बताना चाह हव कि मैं नांव के सामर्थ के बारे मं जोन सीखे हंव वो तुंहर बिचार ल नवा बना दीही।

ये पुस्तक मं तुमन ये सीखहू कि तुमन पनमेसर के नांव के सामर्थ के बारे मं अपन विश्वास ल कइसे उत्तेजित करहू कि तुमन ओला एक असरदार अधिकार ले काम मं ला सकव। एक सेविका होय के कारण मै जानथव कि मोला एकर बारे मं अपन विश्वास ल मजवूत बनाय रखना हे, काबर कि अगर मोर विश्वास मजवूत नइ रहही त मै सेवा नइ कर सकहूं। मोला लगातार वो अद्भुत सामर्थ ले सावधान रहना चाही जोन मोर बोलत ही निकलथे।

मोर पराथना हवय कि जब तक तुमन ये पुस्तक ल पूरा पढ़ लेथव तब तक पनमेसर मं अउ ओकर नांव मं तुंहर मन के विश्वास प्रेरित होवय कि तुमन एक अलग किसम ले पराथना करना शुरू कर सकव कि जब तुमन ओ अद्भुत नांव ल लेवव त वो जाके वोही काम कर सकय जोन ल होना है। तुमन अपन अउ दुसर मन के जीनगी मं बदलाव ल अनुभव करना शुरू करहू जेकर बर तुमन जीनगी भर रस्ता देखे हव।

जैइसने ही तुमन ये बचन ल जोन पनमेसर ले हवय, यीशु मसीह के नांव मं सामर्थ जोन हर नांव ले ऊंचा हवय गरहन करव वैइसने ही तुमन ल आशीष मिलय।



1

ओकर नांव मं सामर्थ हवय



अउ (ओकर सामर्थ हमर डहर जोन विश्वास रखथन)
कतना महान हवय, ओकर शक्ति के ओ काम के अनुसार।
इफिसियों 1:19

बिचार करव, कि काय होही अगर तोर कना अतना सामर्थ होही जोन तोला तुंहर हालत मन मं हराय झन सकय – सामर्थ जोन महान हवय कि ओ शक्ति ल नापे नइ जा सकय। ये भाग मं प्रेरित पौलुस हमला बताय हवय कि इही ओ सामर्थ आय जोन यीशु मसीह दुआरा मिले हवय।

बहुत मनुष मन अपन जीनगी मं ओ सामर्थ के अनुभव करना चाहथें मगर ओमन ये नइ जानय कि ओ सामर्थ ल निकाले बर एक खास चाभी हवय। विश्वास ले ओकर नांव ल बोलना।

बाइबिल हमला बताथे कि यीशु के नांव जम्मो नांव ले ऊंचा हे ये नांव आकाश अउ पिरथी उपर सबले ऊंचा अउ सब ले सामर्थी हवय अउ ओकर नांव हमला दिये गये हवय कि हमन सिरिफ ओकर उपर विश्वास करना।



हमन काय विश्वास करथन? पर ये सति लिखे गये हवय कि तुमन विश्वास करव कि यीशु ही पनमेसर के पुत्र आय, अउ विश्वास करके ओकर नांव मं जीनगी पावव। यूहन्ना 20:31

जब हमन यीशु मसीह उपर विश्वास करथन त ओकर साथ व्यक्तिगत रूप मं संबंध जोड़थन अउ तब परभु यीशु मसीह के सामर्थ हमर सहायक बन जाथे।

पनमेसर के नांव मं विश्वास लाय ले हमन वो जम्मो जिनिस् पा सकथन, जेमन ल ओ हमर बर उपलब्ध कराय हवय। लगातार परेम, शांति, आनन्द, चंगाई, सफलता, रक्षा, सामर्थ, एकर ले कहि जादा तोर कोनो भी हालत उपर काबू करे ले बढके हमर हालत मन ल अउ हमर ताकत ल हमर हालत मन के विरुद्ध बना देथे।

(एकर उल्टा थोड़ देर सोचव।) जब हमन पनमेसर के पुत्र बन जाथन त हर जिनिस् जोन ओकर नांव मं हवय हमर बन जाथे।

सामर्थ बिन मोर लोग मन बुद्ध असन नाश हो जाथें

मोर गियान के नइ होय ले मोर परजा नाश हो गिस।

होशे 4:6

लाखों लोग, मसीही मन ल मिलाके ओकर नांव मं पाय जाने वाला अद्भुत सामर्थ के जरा से गियान नइ रखयं।

मैं जानथंव अउ ये सच हे कि मै ओमा के एक जन रहेंव। मै कई साल ले ईसाई रहेंव जोन हर हप्ता गिरजा जावत होवय अउ कभु कभु कतनो बार



हप्ता मं चर्च के भी अगुवाई करेव अउ परचारक मन के दल मं घलो काम करेंव। मोर पति घलो चर्च के अगुवा रिहिस। पर मोला कोनो परकार के गियान नइ रिहिस कि परभु यीशु मसीह के नांव मं कतना सामर्थ हवय।

आज बहुत जादा मन अउ बहुत जादा भी नइ जेमन मसीही हवंय, बिना सामर्थ के हवंय, मै घलो विना सामर्थ के रहेव काबर कि कोनो मोर रस्ता बताने वाला नइ रिहिस।

मै यीशु के नांव लेवत रहेंव अउ ये एक तरीका रिहिस, कि हर पराथना मन के आखरी मं लगावत रहेंव जैइसे मोला सीखाय गये रिहिस। पर मोला अंदाजा नउ होवत रिहिस कि मै काय करत हंव। अउ ये सति मै बिना सामर्थ के जीनगी बितावत रहेंव। अउ मोर मं सामर्थ नइ रिहिस कि अपन जीनगी मं सच मं कोनो बदलाव लाय सकंव या अपन परिवार के जीनगी मं या फिर दुसर मन के जीनगी मं।

काय तुमन जानथव कि तुमन मसीही जीनगी बितावत हवव अउ एक अइसना जीनगी जोन बिना सामर्थ के जीयत हवव।

दुःख के साथ कहना पडथे कि बहुत से मसीही मन बिना सामर्थ के जीनगी जीयत हवंय। पर ये परभु के इच्छा नोहय। शुरुआत के चर्च मन घलो ये परकार के नइ रिहिन।

शुरुआत के चर्च मन मं सामर्थ के पाय जाना

अउ प्रेरित बड़ सामर्थ ले परभु यीशु के जी उठे के गवाही देवत रिहिन अउ ओ सब उपर बड़ अनुग्रह रिहिस।

प्रेरितों के कामों 4:33



शुरुआत के चर्च मन मं अतना सामर्थ के काम काबर होवत रिहिस?

प्रेरितों के काम के पुस्तक मं हमन काबर पढ़थन कि लोग मन ल चंगाई मिलिस, सइतान के दुष्ट शक्ति निकाले गिस अउ बहुत मन के जनिगानी मं बदलाव के घटना होइन।

बड़े बड़े लोग मन काबर आश्चर्य के काम कर सकत रिहिन अउ चिन्हा अउ चमत्कार घलो?

काबर कि शुरुआत के लोग मन जानत रिहिन कि सामर्थ यीशु मसीह के नांव मं हवय, अउ ओमन ओ नांव ल नियम के अनुसार योग्यता द्वारा जैइसे परभु चाहथे गरहन करत रिहिन।

जब पतरस ओ सामर्थ भरे नांव के उपयोग ओ मनुष मन उपर करत रिहिस त जोन मनुष जनम ले खोखा रिहिस ओ मनुष बने हो जाथे। (प्रेरितों के कामों 3:1-8)

फिलिप्पुस एक बड़े भीड़ ल परभु के राज्य के बारे मं अउ ओ नांव के बारे मं परचार करथे। (प्रेरितों के कामों 8:12)

पौलुस एक औरत ले दुष्टात्मा ल आज्ञा देवत निकल जाय बर बोलथे। ओ औरत मं भविष्य बताने वाली आत्मा काम करत रिहिस उही बखत वो आत्मा ओमा ले निकल आइस अउ वो औरत स्वतंत्र हो गिस। (देखव प्रेरितों के कामों 16:16-18)

हे सच हे कि शुरुआत के चेला मन जानत रिहिन कि यीशु के सामर्थ भरे नांव ल कइसे उपयोग किये जाय, ओकर आशीष मन ल पावंय अउ दुसर ल आशीष देवन।

सामर्थ भरे नांव मं बचिन

अउ चंगा करे बर तैं अपन हाथ बढ़ा कि चिन्हा अउ अचरज
के काम तोर पवित्र सेवक यीशु के नांव मं करे जाय।

प्रेरितों के कामों 4:30

बाइबिल हमला बताथे – कोनो दुसर के दुआरा नइ हे काबर कि सरग के नीचे मनुष मं अउ कोनो दुसर नांव नइ दिये गये हवय जेकर दुआरा हमन उद्धार पा सकन। परभु के बचन हमन ल उत्साहित करथे कि ओमा सामर्थ हवय कोनो ल बचाय के जोन ओकर नांव ल पुकारथें। (प्रेरितों के कामों 2:21, 4:12)

उद्धार सिरिफ यीशु के नांव मं विश्वास लाय ले अउ अपन रस्ता ल ओकर कुति फेरे ले हवय। (अगर तुमन अइसे कभु नइ करे हव अउ तुमन चाहथव त पुस्तक के आखरी मं एक पराथना हवय ओला तुमन कर सकथव।)

हमन कुलुस्सियों 2:9 मं पढ़थन काबर कि ओमा ईश्वर के जम्मो भरपूर देह सहित निवास करथे अउ दसवां पद मं बताय हवय। अउ तुमन उही मं भरपूर हो गये हव जोन जम्मो परधान अउ अधिकार मन के सिर (मुखिया) आय।

ओला थाम लेवव काबर कि हरेक ल सामर्थ ओकरे नांव मं मिलथे अउ ओ नांव चर्च मन ल दे दिये गये हवय।

ओकर तेज भरे नांव सामर्थ ले भरे हुए हवय। ओकर नांव ल दिखाय बर हमला विश्वास के जरूरत हवय। अगर हमन रोज बहुत कष्ट के जीनगी बितावत हवन त एकर कारण ओकर नाव उपर हमर विश्वास मं कमी आय।



मैं चारो डहर जाके कह सकथंव यीशु के नांव मं, सामर्थ हवय; मै ओकर नांव मं पराथना सकथंव यीशु के नांव मं दुष्ट आत्मा मन ल निकाल सकथंव।

पर अगर हमन विश्वास ल अपन पराथना मन मं दिखावन अउ ओकर नांव बोल न अउ अगर मोर विश्वास प्रेरित होवय त ओ जम्मो काम हो सकथे जोन असंभो हवय।

आत्मिक हथियार मन के नांव

काबर कि हमर लड़ाई के हथियार शारीरिक नइ हे पर किला मन ल गिराय बर पनमेसर के दुआरा सामर्थी हवय।

2 कुरिन्थियों 10:4

मैं विश्वास करथंव कि परभु घलो हमन ल प्रेरित करना चाहथे अउ ओ जम्मो सामर्थी, औरत आदमी ल काबर कि हमन एक अइसन युद्ध ले घिरे हुए हवन जोन ह आत्मिक युद्ध आय... काबर कि हमर ये मल्ल युद्ध (कुशती) खून अउ मांस ले नइ हे, पर परधान मन ले, अधिकारी मन ले अउ ये संसार के अधकार के हाकिम मन ले, अउ वो दुष्टता के आत्मिक सेना मन ले हवय जोन आकाश मं हवंय। (इफिसियों 6:12)

ये युद्ध ल शारीरिक, संसारिक अउ स्वभाविक रूप म लड़े नइ जा सकय। सइतान अउ ओकर सेना हमर बैरी आय अउ हमन ओकर ले तमे लड़ सकथन जब हमन आत्मिक राज म आत्मिक हथियार मन के साथ होबोन। जैइसे 2 कुरिन्थियों 10:4 मं बताए गये हवय।



हमन कल्पना मन ल अउ हर ऊंचा बिचार ल जोन पनमेसर के पहचान के विरुध उठथे, गिरा देथन अउहर बिचार ल कैदी बना के मसीह के आज्ञाकारी बना देथन। (बात जोन मन हमला घेरा मं जकड़े रहिथे)

एक सबले बड़े आत्मिक हथियार हमला मिले हवय, वो यीशु के नांव आया। देखव (लूका 10:17)

तुंहर विश्वास के अनुसार तुंहर बर होवय

जैसे यीशु उहां ले आगु बढिस त दु अंधवा मन ओकर पीछू ये चिल्लावत चलिन कि “हे दाऊद के संतान, हमर उपर दया करा।”

जब वो घर मं पहुँचिस त वो अंधवा मन ओकर कना आइन, अउ यीशु उकरं ले कहिस, काय तुमन ल विश्वास हवय, कि मै ये कर सकथंव? वोमन ओकर ले कहिन हव, परभु। तब ओ उंकर आंखी ल छू के कहिस, तुंहर विश्वास के अनुसार तुंहर बर होवय।

अउ उकर आंखी मन खुल गिस अउ यीशु ह ओमन ल चेताइस, खबरदार, कोनो ये बात ल झन जानय।

मत्ती. 9:27-30

यीशु के नांव म सामर्थ के बारे मं मोला मालुम हवय मै करीब 20 साल ले जादा ओ नांव म पराथना अउ परचार करत आवत हंवा। पर कुछ समे पहले परभु मोर ले मुलाकात करे बर आइस अउ मोर विश्वास ल प्रेरित

करिस। अउ ये नांव के बारे मं ताजा जानकारी देवत कि हर विश्वासी जम्मो सामर्थ ल अउ अधिकार ल पा सकथे।

अउ जब काहत हव कि परभु मोर ले मुलाकात करे बर आइस त एकर मतलब ये नइ हे कि मै ओला साक्षात देखे व पर मोर मतलब हे कि ओ मोर हिरदय ल अपन (यीशु) नांव बर उपयोग करत हे।

कुछ समे बर मै ओ नांव के बारे मं धियान करत हंव। मै अइसे खास कर अपन बाहिर जाय के पहिली करथंव, मै दुसर मन ल बचन दुआरा प्रेरित करंव। ये हमेशा मोर विश्वास ल प्रेरित करथे कि जब मै लोग मन के आगु खड़े होवव त उंकर बर पराथना कर सकंव, पूरा हिरदय ले विश्वास करत कि जेकर ले परभु के सामर्थ जम्मो सभा के मैदान मं प्रवोहित होवय अउ लोग मन के जीनगी मन के बंधन मन ल तोड़े बर।

मैं न सभा मंच मं खड़े हो सकंव न लोग मन बर परतिज्ञा कर सकंव जब तक मोर हिरदय मं विश्वास नइ हो ही कि सच म परभु यीशु मसीह के सामर्थी नांव मं आज कोनो बड़े काम होवैइय्या हवय जब तक हमर कना विश्वास हे यीशु के नांव मं कोनो हालत ले गुजर सकथन जेन मन हमर विश्वास ल ललकार थे ओकर साथ मं जोन हमला ओकर नांव के दुआरा मिले हवय।

विश्वास, सामर्थ आय

त विश्वास सुने ले अउ सुनना मसीह के बचन ले होथे।

रोमियों 10:17

यीशु ओकर डहर इशारा करिस कि ये अइसे सामर्थ आय जोन हमर अंदर हवय, जोन हमर अहरं ले पराथना या मुंह के शब्द दुआरा निकलथे। देखव (मत्ती 9:29)



रोमियों 10:17 मं हमला बताय गये हवय कि विश्वास सुने ले अउ सुनना मसीह के बचन ले होथे।

अगर तुमन चंगाई बर बचन सुनथव, त तुंहर विश्वास चंगाई गरहन करे बर प्रेरित हो जाथे। अगर तुमन पैइसा बर पनमेसर के बचन सुनथव त पैइसा बर तुंहर विश्वास प्रेरित हो जाथे।

अगर तुमन के विश्वास परभु यीशु मसीह के नांव के सामर्थ बर प्रेरित होथे। जब तुमन ये पुस्तक ल पढ़त हव त परभु यीशु मसीह के नांव के सामर्थ के बचन मन ल जोर से बोलव। जब तुम ये पुस्तक ल पढ़ना खतम करहू तब त तुमन अलग किसम ले पराथना करना शुरु कर देहव। तुमन अपन अंदर जादा विश्वास रखन लगहू जेकर बारे मं तुमन पराथना मं मांगथव।

तुंहर अंदर आत्म विश्वास आना शुरु हो जाही काबर कि तुमन सामर्थ मं विश्वास करन लगे हव जेला बाइबिल बताय हवय कि नांव मं विश्वास दुआरा तुंहर आय तुमन अपन जीनगी के दौड़ के आखरी छोर तक बढ़त जाहव अउ अपन जीनगी मं ओ आनंद के मजा लेहव जोन आशीष तुंहर बर रखे गये हवय। तुंहर विश्वास उत्तेजित होही यीशु मसीह के महिमामय नांव के सामर्थ के बारे मं।

2

नांव अउ विश्वास



काबर कि पनमेसर के जतना परतिज्ञा मन हवयं, ओ जम्मो उही मं हव के साथ हवयं, ये सति ओकर दुआरा आमीन घलो होइस, कि हमर दुआरा पनमेसर के महिमा होवय।

2 कुरिन्थियों 1:20

बाइबिल म बहुत अकन परतिज्ञा मन हवयं, जेला हमन पढ़थन पर ओमन ल अपन जीनगानी मं पूरा होवत नइ देख पावन।

अइसे काबर? काय समस्या मन हवयं?

हमन जरूर अनुभव करन कि हर एक अधिकार हमर विश्वास करे ले पैइदा होथे। अइसे ये सति नइ कि बाइबिल मं लिखे हे। वो मन ये सति पैइदा नउ होवय कि हमन यीशु उपर विश्वास करथन पर वो मन ये सति होथे काबर कि हमन ओकर सच्चा परतिज्ञा उपर विश्वास रखथन। अउ अपन विश्वास ले ओ बात मन उपर रखथन जेला यीशु हमर ले कहे हवय।

जइसे हमन इफिसियों 1:19 मं जइसे पौलुस प्रेरित ह लिखे हवय, अउ ओकर सामर्थ जोन हमर डहर, जोन मन विश्वास करथें कतना महान हवय ओकर शक्ति के असर के ओ काम के अनुसार।



मै विश्वास करथंव कि ओ सिरिफ कहत नइ हवय, मगर मै चाहथंव कि तुमन ल मालुम होवय ओ अतुलनीय सामर्थ के जोन यीशु मसीह के नांव ले उपर विश्वास लाये ले होथे। हव सच मं मै चाहथंव कि तोला ओ अतुलनीय सामर्थ के पता होवय जोन यीशु मसीह के नांव उपर विश्वास लाथे – अउ जोन विश्वास करथे कि सामर्थ हमर आया।

हमन कभु कभु ये सोचथन जोन साधारण विश्वास हमन हमर उद्धारक यीशु मसीह उपर रखथन अउ जोन परतिज्ञा मन बाइबिल मं दिये गये हवयं...।

ये परकार ले विश्वास काम नइ करय। हमला खास रूप ले परतिज्ञा मन ल विश्वास दुआरा अपनाना हो ही। परभु के बचन ले उदाहरण देवन दव।

चिन्हा उही मन ल परगट होथे जोन परभु यीशु मसीह उपर विश्वास करथें

अउ विश्वास करने वाला मन मं ये चिन्ह होही कि ओमन मोर नांव ले दुष्ट आत्मा मन ल निकालही।

नवा नवा भाषा बोलहीं, सांप मन ल उठा लीहीं, अउ अगर ओमन नाश करने वाला जिनिस भी पी लेवयं तभो उंकर कोनो हानि नइ होही, वोमन बयभार मन उपर हाथ रखही, अउ वोमन बने हो जाहीं।

मरकुस 16:17

ये परतिज्ञा मन ल यीशु चेला मन ल ओ बखत दिस, जब परभु यीशु ये बिचार करिस कि वो सामर्थ अउ अधिकार उंकर कना घलो होवय अउ ओकर तुरंत बाद यीशु मसीह परतिज्ञा करेके बाद सरग मं उठा लिए गिस अउ पिता के जेवनी डहर बैइठ गिस। (मरकुस 16:17,18)



मै अइसे विश्वास नइ रखंव कि ये सब उंकरे साथ होइस जोन परभु यीशु उपर विश्वास करत रिहिन। पर मै ये विश्वास करथंव ये अदभुत चिन्ह उंकरे मन मं होही जोन यीशु मसीह मं विश्वास करथें, अउ ये विश्वास करही कि ये चिन्ह उंकर साथ साथ चलही।

पर यीशु मसीह के कलिसिया मं, विश्वास नउ करने वाला विश्वासी मन ले भरे हवय।

मैं जानथंव काबर कि मैं पहिली बताय हवं, कि मैं बहुत साल ले मसीही रहें, मैं नवा जनम पाय रहेंव अगर मैं मर जातेंव त सरग जातेंव, पर मैं जीनगी ल विन सामर्थ के बिताय रहेंव।

मैं यीशु मसीह मं विश्वास करत रहेंव पर ओकर नांव के सामर्थ उपर विश्वास नइ करत रहेंव। काबर कि कोनो मोला एकर सामर्थ के बारे मं नउ बताइन मै कोनो ल एकर सामर्थ के बारे मं परचार करत नइ सुनेंव। मै समझत रहेंव कि सिरिफ यीशु कना ये सामर्थ रिहिस अउ अगर ओ हमला सामर्थ के उपयोग करे बर चुनथे तमे अइसे हो सकथे। अगर ओ सामर्थ के उपयोग करे बर नइ चुनय त मैं कोनो सामर्थ के काम नइ कर सकंव।

परभु यीशु मसीह के नांव मं पराथना करे मं सामर्थ हवय, जब कि मैं अपन पराथना म “यीशु मसीह के नांव मं” के उपयोग करत रहेंव, पराथना के आखरी मं, पर मोला नइ मालुम रिहिस कि मैं काय करत रहेंव।

जब मोला पवित्र आत्मा मं बपतिस्मा मिलिस त मैं विश्वासी मन के अधिकार के बारे मं सीखना शुरु करेंव कि सामर्थ मोर कना घलो हवय हमन पवित्र आत्मा के सामर्थ पाथन।



जब विश्वासी मन यीशु मसीह मं पवित्र आत्मा मं बपतिस्मा पाथन त पवित्र आत्मा हमला सामर्थ ल गरहन करे के, समझे के, अउ अनुभव करे के वारे जादा सिखाथे। जब मै विश्वास करना शुरु करेवं त पनमेसर के सामर्थ मोर बर रिहिस, अउ मै यीशु मसीह के नांव मं पराथना करके उपयोग करना शुरु करेवं। अउ जब मै चेला उपयोग करना शुरु करेवं त मै अपन जीनगी मं सामर्थ के काम होवत देखेव अपन आस पास के लोग मन के जीनगी मं धलो।

ये काफी नउ हे कि हमन सिरिफ यीशु मसीह मं विश्वास करना। पर हमला ओकर नांव के सामर्थ मं धलो विश्वास करना चाही, अउ सच्चाई ये हे कि हमर कना ओ सामर्थ हवय।

काय तुमन विश्वास करथव अउ मानथव कि तुमन कमजोर हव या कि तुमन सामर्थी हवव?

अगर तुंहर कना नइ नापे जा सकने वाला सामर्थ हवय पर हमन ओला वास्तव मं महसूस नउ कर सकन अगर हमम हालत मन ल देख के ये परकार ले बोलथन, “अब मै येला जादा नइ सह सकंवं – मै सताये गये हंवा।” “मै ये परकार जादा नइ चल सकंवं – ये मोर बहुत जादा हवय।”

“मै ये परकार जादा नइ चल सकंवं, ये मोर बर बहुत जादा हवय, मोला लगत हवय कि मै एकर ले दूरिहा होवत जावत हंवं,” सब कुछ मोर सिर मं पड़त हे, ये मोर बर बहुत कठिन हे। मै स्थिर नई रह संकव, मै अइसे नइ हव, मै वैइसे नइ हंवं, मै... नइ हव।

समस्या ये हवय कि हमन विश्वास नइ करंवं कि सच मं हमर कना ओ सामर्थ हवय। हां ये जरूर हवय कि हमन सामर्थ के बारे मं बात करथन



ओकर बारे मं गाना घलो गाथन पर सच्चाई ये हवय कि हमन एकर ले जादा ये विश्वास करथन अउ महसूस करथन कि बाइबिल काय कहिथे।

कभु कभु हमन अपन बिचार ल परभु मान लेथन

अउ ये परकार ये समस्या हवय कि वो चिन्हा मन हमर साथ नइ होवय काबर कि हमन विश्वास नइ करन कि ओमन हमर साथ साथ होहीं।

सिरिफ विश्वास करव

यीशु आंकर ले कहिस, अगर तैं कर सकथस, ये काय बात होइस? विश्वास करने वाला बर सब कुछ हो सकथे।

मरकुस 9:23

हर बार जब मै लोग मन के सभा ल परचार करथंव, त मै विश्वास कर लेथंव कि मै पवित्र आत्मा के अगुवाई मं चलत हवंव अउ तब वो मोर दुआरा काम करके लोग मन ल परचार करथे अउ उकरं जरूरत मन ल जान जाथे। (देखव 1 कुरिन्थियों 12:4-11)

जब मैं परचार मंच मं पांव रखथंव त मोला आगु के अराधना के पता नइ राहय। अउ मोला थोड कन मी अंदाजा नइ राहय कि आगु काय होवैइया हे। मै सिरिफ अतना विश्वास कर लेथंव कि चिन्हा भोर साथ साथ चलही। काबर कि बाइबिल मं ये परकार कहे गये हवय (देखव मरकुस 16:17-18) “कि विश्वास करैइया मन के बीच (साथ) ये परकार चिन्हा होही।” अउ मै विश्वास करथंव कि परभु अपन आत्मा दुआरा मोर अगुवाई करत हवय।

एकर परिणाम होथे कि हमर इहां जोन अराधना सभा मन होथे वो जादा वुरा नउ राहय अउ अइसे तुरंत नइ होवय त हमन अराधना के बाद अपन



अपन मुड़ी हलावत अउ ये काहत कि पनमेसर हमला भरपूर कर दिस, ओ अतना भला हवय (मैं एला अपन बड़ई या घमंड बर नइ बतावत हंव)

पनमेसर के सामर्थ अराधना मं बहुत महसूस किये जा सकथे। अउ पनमेसर के अभिषेक हर आराधन मं उतरत गिस। अइसन समे घलो आइस जब हमन देखेन कि अराधना मं 1300 लोग मन ल पवित्र आत्मा के बपतिस्मा मिलिस। लोग मन हमेशा चंगाई पावत गिन, शारीरिक अउ भावनात्मक दुनो परकार के चंगाई इहां तक कि आत्मिक चंगाई धलो पाइन। अउ ये सब तभे होथे जब हमन विश्वास करथन। अउ हमन अपन विश्वास “परभु यीशु मसीह के नांव मं,” अउ “वो कोन आय” ओमा करथन। ये यीशु मसीह के ही कारण हो सकिस ओकर अच्छाई, ओकर दया अउ ओकर सामर्थ, जोन ओकर अद्भुत नांव म हवय।

परभु यीशु मसीह ल देखव

...अउ ओकरे नांव ह ओ विश्वास के दुआरा जोन ओकर नांव उपर हवय, ये मनुष जेला तुमन देखत हव अउ जानत घलो हव, सामर्थ दिस हवय। अउ निश्चय उही विश्वास ह जोन ओकर दुआरा हवय, एला तुम जम्मो के आगु भला चंगा कर दिये हवय।

प्रेरितों के कामों 3:16

अगर हमन ओकर नांव के सामर्थ के आनंद लेना चाहथन त हमला ओ बात मन बर नइ देखना चाही जोन हमन हवन ही नइ। हमला यीशु मसीह ल देखना चाही अउ वो हर चीज जोन वो हवय अउ जोन वो हमर बर कर सकथे, हमर मं होके।



मै अपन परचार मं अराधना सभा ले लोग मन ल प्रेरित करना चाहथंव कि ओमन ये बात मं विश्वास करंय कि जब ओमन स्तुति अराधना करे के अगुवाई करंय त सइतान ल उहां ले भागना पड़ही अउ लोग मन बच ही, चंगाई पाहीं, पवित्र आत्मा ले भरहीं।

मै अपन सभा मन म अइसन कुछ नइ करंव जेकर ले मे खराब होवय या कोनो ल प्रभावित करंव। मै सिरिफ एक कारण ले उहां रहिथंव कि गुलाम मन ल छुटकारा देव, अगर मै ये विश्वास नइ करतेव कि मै लोग मन के सहायता करहूं त मै अपन घर म ही रुक जातेंव अपन नाती पोता मन के साथ। पर मै पूरा हिरदय ले विश्वास करथंव कि मै जोन करत हवंव ओ हजारों लोग मन के जरूरत ल पूरा करत हवय। मोला विश्वास हवय कि जब मै परभु यीशु मसीह के नांव मं पराथना करथंव त काम जरूर होही – अउ अइसे होथे। मै ये सति नइ काहत हंव कि मै वो करथव ही।

मोला विश्वास हे कि ये काम करत हवय अउ जीनगी मन ल बदलत हवय।

अगर तुहर जीनगी अस्त व्यस्त हवय अगर तुमन अपन हालत उपर जय नइ पावत हव त अपन विश्वास के जांच करव, सुरता करव कि यीशु मसीह खुद कहे हवय।

“तब ओ ओकर आंखी ल छू के कहिस, तोर विश्वास के अनुसार तोर बर होवय।” (मत्ती 9:29)

पराथना करव अउ विश्वास करौ

...ये सति मै तुमन ले कहिथंव, कि जोन कुछ तुमन पराथना



करके मांगथव त पतिया लव कि तुमन ल मिल गिस, अउ
तुंहर बर हो जाही।

मरकुस 11:24

तुमन अइसन काहत होहू, कि मै परभु यीशु मसीह के नांव मं पराथना करथंव अउ फिर मोला कोना परिणाम नइ मिलय, तुमन शायद दिन मं एक बार परभु यीशु मसीह के नांव मं पराथना करत होहू, पर दिन के बाकी भाग मं ओकर नांव ल बेकार मं लेवत होहू। अउ अइसे घलो हो सकथे कि तुमन यीशु मसीह के नांव म पराथना तो करत होहू पर ओकर नांव ल अपन पराथना के आखरी मं एक जादू मंतर असन लेवत होहू।

अगर ये बात हवय त अभी ले जब तुमन यीशु मसीह के नांव बोलथव त विश्वास के साथ अउ ये विश्वास करत कि ओकर सामर्थ तोर बर उपलब्ध हवय।

जब मै अइसन करथव त ओकर नांव के सामर्थ ल अनुभव करथंव। मै ओला अपन अंदर ले निकलत अनुभव करथंव।

बाइबिल ये कहि के कि ओकर नांव मं सामर्थ हे कोनो मजाक नइ करय।

जब मै परभु यीशु मसीह के नांव ल टेलीविजन मं बोलथंव त ये विश्वास करथंव कि ओकर सामर्थ हवा के लहर मं होवत सीद्धा लोग मन के घर मन मं जावत हवय। अउ उंकर मन के जम्मो जरूरत मन ल पूरा करत हवय जोन मन ओला सुनत अउ विश्वास दुआरा अपन हिरदय मं गरहन करत हवंय परभु यीशु मसीह के नांव मं उद्धार हवय ओकर नांव मं चगाई हवय अउ छुटकारा हवय अउ सइतान के शक्ति मन ल तोड़े के सामर्थ



हवय। चाहे जोन कुछ होवय ओकर नांव मं हमला मिल जाही हमला सिरिफ ईमानदारी ले नांव अउ बचन उपर विश्वास करना हे।

नांव अउ बात

अगर तुमन मोर मं बने रहव, अउ मोर बात तुमन मं बने रहय
त जोन चाहे मांगव ओ तुहर बर हो जाही।

यूहन्ना 15:7

मै सोचथंव कि हम मसीही मन कभु कभु परतिज्ञा मन ल अध्याय ले निकाल देथन ये सोच के कि हमला जोन कुछ चाही वो हम मांगबो अउ पनमेसर ल देना ही हवय काबर कि ओकर नांव ल हमन पराथना के आखरी मं लेथन।

बचन ल समझे के रीति ये परकार हवय कि दुसर बचन के परकास मं ओला समझे जावय हमला सिरिफ यूहन्ना 15:7 ल अध्याय ले निकाल के खींच तान लेना नइ चाही बिना। 1 यूहन्ना 5:14, 15 ल समझे हुए। जोन ये बताथे कि अगर हमन ओकर इच्छा के अनुसार कुछु मांगथन त ओ हमर निवेदन ल पूरा करही।

अगर तुमन मोर मं बने रहव, अउ मोर बात तुमन मं बने रहय त जोन चाहे मांगव ओ तुहर बर हो जाही। (यूहन्ना 15:7)

“मुझ मं बने रहव” शब्द के मतलब हवय ठहर जाना, स्थिर रहना वास करना बिलकुल हिलना डुलना नइ। जब ले मैं यीशु मसीह मं बने रहे के शुरु करन लगेंव त मै ये सीखें व कि मोर इच्छा ओकर इच्छा के साथ मिल के एक हो गिस कि मोला अइसे कुछु नइ चाही जोन ओकर इच्छा के विरुद्ध होवय।



अब मैं अगर पनमेसर ले कोनो चीज मांगे बर पराथना करथं त पनमेसर कना जाथं अउ ओकर ले कहिथव ए अध्याय मं ये तोर बचन लिखे हवय अउ मै चाहथं कि ये मोर जीनगी मं पूरा होवय।

पर हमन बहुत बात बर पराथना करथन जेकर बर बाइबिल मं कोनो खास वचन नइ होवय अइसे हालत मं हमला पनमेसर ले पराथना करना चाही, येकर बर हमन ल विश्वास करना हवय अगर ये ठीक हवय त मोला परतीत करना हे कि पनमेसर मोला जरूर दीही अउ अगर ठीक नइ हे त मोला वो नइ चाही काबर कि मोला सिरिफ पनमेसर के इच्छा चाही।

मोर नइ पर तोर इच्छा

*अउ ओ खुद उंकर ले अलग एक ढेला फेके के टप्पा भर
गिस अउ घुटना टेक के पराथना करन लगिस।*

*हे पिता अगर तैं चाहस त ये कटोरा मोर कना ले हटा ले,
फिर भी मोर नहीं पर तोर इच्छा पूरा होवय।*

लूका 22:41-42

मोर सबले छोटा बेटा 19 साल के रिहिस जब ओकर विहाव होइस। हमला मालुम रिहिस कि वो जवान हे पर हमन ही ओकर बर सब कुछ रहेन। जोन दुरी ले ओकर विहाव होइस ओ सिरिफ 18 साल के रिहिस, वो एक परचारक के परिवार ले रिहिस अउ पनमेसर के साथ ओकर गहरा संबंध रिहिस। ओमन अतना मयारु रिहिन जतना रहना चाही।

ओमन अपन बिहाव के उपहार के एक भाग, कुछ पैइसा अपन कना जमा करे रिहिन अउ ओ अतना रिहिस कि ओमन एक नानक घर के कीमत



चुका सकत रिहिन फिर भी घर जादा कीमत वाला नइ रिहिस।

मोर पति डेव हमार बेटा ल कतनो अच्छा गुण सिखाय रिहिस कि कइसे पैइसा के उपयोग करय। ओ अपन पैइसा ल किराया के मकान मं बेकार करना नइ चाहत रिहिस अगर ओ खुद के मकान खरीदे सकत रिहिस।

ये सति हमन उंकर साथ एक मकान देखे बर गयेन ओमन ल एक मकान घलो पसंद आ गिस जेकर कीमत ओमन दे सकत रिहिन।

ये सति ओमन ओकर बर बहुत उत्साहित रिहिन, दुसर दिन हमार बेटा हमला बताइस कि चेरीटी अउ मैं कल रात बाहिर जाके ओ मकान के आगु बैइठ के पराथना करे हवन कि अगर पनमेसर के इच्छा हवय त ये मकान हमला मिल सकय, त हमला ये मकान चाही। अउ अगर ये पनमेसर के इच्छा नइ हे कि हमला ये मकान मिलय त हमन जानथन कि हमार बर ओकर कना एकर ल बढिया कुछ हवय। हमला वो चाही जोन तोर इच्छा के अनुसार होवय।

अउ अइसे होइस कि एकर पहिली कि वो उंहां जाके ओ मकान ल खरीदतिस कोनो दुसर ओला खरीद लिस। हमन निराश होयेन। बाद मं वो हमला बताइस कि मोला पूरा विश्वास हवय कि ओ मकान ये सति बिक गिस काबर कि पनमेसर कना हमार बर एकर ले बढिया कुछ हवय अउ हमला ओकर बर ठहरना होही। हमन ल चाही कि इही परकार के पराथना हमन करन, जब तक हमन ल निश्चय नइ होवय कि जोन कुछ हमन मांगत हवन ओमा पनमेसर के इच्छा ओकर बचन के आधार मं हवय कि नइ।

हमार बेटा अउ बहु बर ये बुद्धीमानी नउ होतिस अगर ओमन मकान के आगु बैइठ के ये पराथना करतिन कि यीशु मसी के नांव मं ये घर हमार आय



अउ अब हमन दुसर कोनो घर ल नइ चाहत। हे पिता इही वो घर आय जोन हम चाहथन अउ हमर ये विश्वास हे कि तैं ओला हमला दे दे। काबर कि यीशु मसीह कहे हे कि ओकर नांव ले जोन कुछ भी हम मांगथन हमला मिल जाही।

जोन कुछ भी पराथना मं हमन मांगथन हमला मिल जाही अगर हमन ये जानत कि जोम कुछ हमन मांगत हवन ओमा पनमेसर के इच्छा हवय या फिर हमर ही इच्छा होवय।

हमर बर पनमेसर के इच्छा पराथना अउ ओकर बचन दुआरा जान सकथन। जब हमन अपन विश्वास ल ओकर बचन के अधार मं अपन जीनगी मं लागु करथन त हमन दृढ़ता ले मांग सकथन जो हमर बर सचमुच ठीक हे। अउ यीशु मसीह के नांव के उपयोग परिणाम बर कर सकथन।

3

नांव के उपयोग करना



जोन कोनो यीशु मसीह के नांव लीही (यीशु मसीह के नांव ल उत्तेजित करना, उपर उठाना, अराधना करना) उही उद्धार पाही)

प्रेरितों के कामों 2:21

मोर एक दोस्त हवय जेला मै बाइबिल कालेज मं पढ़ाय रहेंव, जोन एक धरम गुरु के काम मं गये रिहिस। वो संकट के बखत मं नांव पुकारे के एक सामर्थी तरीका बताथे।

एक दिन ओकर 3, 4 साल के छोटे बेटा ओकर साथ कार मं रिहिस वो एक भीड़ भाड़ के रद्दा मं जावत रिहिस उही समे ओ जेवनी कुति मुड़े के तैइयारी करिस ओला नइ मालुम रिहिस कि ओकर बेटा कुति के दरवाजा बंद हवय कि नइ जइसे वो जेवनी मुड़िस ओकर पूरा वजन ओकर बेटा कुति हो गिस ये ओ बखत के बात आय जब सीट बेल्ट के नियम चालु नउ होय रिहिस अउ ओ लडका घलो वेल्ट नउ लगाय रिहिस।

जब ओ धरम गुरु तेज घुमाव लेइस त कार के दरवाजा तेजी से खुल गिस अउ ओ लडका मोटर ले उलंड के सड़क के ठीक बीच म गिर



पड़िस जिंहा कि बहुत तेज ट्रेफिक आवत जावत रिहिस। जब बाप चारो कुति के ट्रेफिक ल देखिस त बहुत डरगिस अउ ओ देखिस कि एक कार बहुत तेज आवत हवय। अउ चक्का ओकर बच्चा उपर चढ़ने वाला रिहिस त ओ केवल एके काम कर सकत रिहिस अउ ओ जोरदार चिल्लाइस, “यीशु।”

बाप अपन कार ल रोक के अपन बेटा कुति तेजी ले दवड़िस, जोन एकदम ठीक ठाक रिहिस अउ ओ ओ आदमी कुति घुमिस जोन करीब-करीब अपन कार चढा दिये रिहिस अउ जोर के बोलिस धन्यवाद! तोर बहुत धन्यवाद अपन गाडी ल ठीक बखत मं रोके बर पर ओ आदमी जोन कार चलावत रिहिस अउ करीब-करीब गाड़ी ल चढा दिये रिहिस वो बहुत थरथरावत रिहिस मोर मितान ओकर कना गिस अउ साहस बंधाय के कोशिश करिस, तै झन डर मोर बेटा एकदम ठक हवय ओकर बारे मं चिंता झन कर, पर पनमेसर के धन्यवाद कर कि ओ तोर गाड़ी रोके मं सहायता करिस।

ओ आदमी हिलत रिहिस बार बार ये बोलत कि तै समझ नइ सकस। बाप आखिर पूछथे कि बात आखिर काय हे? वो कहिस कि मै ब्रेक उपर अपन घलो नइ रखेंव। ओक नांव के सामर्थ ह ओकर कार ल रोक दिस। कोनो कना कुछु करे के कुछु नइ रिहिस सोचे बिचारे बर अउ दुसर कोनो बात बर कोनो समे नइ रिहिस। ओ आदमी कना करे बर कुछु नइ रिहिस सिरिफ यीशु मसीह क नांव हालत उपर विजय दिस। सामर्थ के काम के अद्भुत चमत्कार होइस ओ बालक के जीनगी बचाइस।

नांव मं सामर्थ अउ अधिकार

फिर ओ बारह मन ल बुला के ओमन ल जम्मो दुष्ट आत्मा
मन उपर अउ बिमारी ल दूर करे के सामर्थ अउ अधिकार



दिस। अउ ओमन ल पनमेसर के राज अउ परचार करे के
अउ बिमार मन ल बने करे बर भेजिस।

लूका 9:1, 2

हमर अराधना मं परचार के साथ साथ सेवा के समे घलो जरूर होथे, हमर कना पराथना बर लोग मन के लंबा लाइन होथे। जेमा एक एक आदमी बर पराथना करथंव मोला ये करना बने लगथे, पर मोर अराधना सभा मन बढत जावत रिहिस अउ अगर मै अइसे करत रहितेंव त मोला अउ कुछ करे बर नइ रह जातिस। मै ये सीखेंव कि परभु यीशु के नांव मं पराथना करंव अउ ओमा स्थिर रहंव।

अपन विश्वास ल प्रवाहित करके पराथना करे ले सभा मं लोग मन चंगाई पावत रिहिन। उही विश्वास के साथ, जइसे मै पराथना करत रहेंव हर आदमी बर अलग अलग।

जब लोग मन अराधना मं बोझ अउ तनाव मं आवत रिहिन त मै ये सीखेंव कि ओ आत्मा मन उपर परभु यीशु मसीह के नांव मं ओभन ल अपन अधिकार मं लेके उंकर भारी बोझ ल उठा दिये जावय त ये लोग मन स्वतंत्र होके आनंद ले भर जावंय।

पर अइसे नइ हे कि मोर पराथना उंकर गुलामी के जुआ ल तोड़थे, पर सामर्थ अउ अधिकार आय जोन परभु यीशु मसीह के नांव मं काम करथे। मोर पराथना सिरिफ एक वाहन आय जोन ओ... ल उठाथे।

“प्रतिनिधित्व के सामार्थ”

यीशु उंकर पास आके कहिस, कि सरग अउ पिरथी के
जम्मो अधिकार मोला दिये गये हवय।



ये सति तुमन जाके जम्मो जाति मन के लोग मन ल चेला
बनावव अउ ओभन ल पिता पुत्र अउ पवित्र आत्मा के नांव
ले बपतिस्मा देवव।

अउ ओमन ल जम्मो बात जोन मैं तुमन आज्ञा दिये हंव,
मानेबर सिखावव, अउ देखव, मैं जगत के आखिर तक तुंहर
संग हवंव।

मत्ती 28:18-20

ये भाग मं, यीशु मसीह कहिथे, सरग अउ पिरथी के जम्मो अधिकार
मोला दिये गये हवय अउ अब मैं तुमन ल देवत हवं। जावव अउ जोन काम
मैं करे हंव वो तुमन घलो करव अउ येकर ले जादा सामर्थी काम तुमन मोर
नांव मं करहू। (यूहन्ना 14:12)

दुसर शब्द मं परभु यीशु मसीह ह जोन ओकर उपर विश्वास करथें। ओ
ओमन ल जम्मो सामर्थ के प्रतिनिधि बना दिस अउ अधिकार दे दिस कि
ओकर नांव के उपयोग करंय।

ये सति हमर रोय बर, आंसु बहाय बर कोनो कारण नइ हवय कि हमन
बिन सामर्थ के अउ कमजोर हवन। इहां हमर हार माने के कोनो जगह नइ
हे, कि काम करना छोड़ देवन, हमन काम छोड़े के अनुभव तमे करथन
अगर हमंन परभु के नांव के उपयोग नउ करत हवन जोन स्थान।

नांव, ल मिले हवय, त ये कारण हमला विजय नउ मिलही अउ हमन
अपम ल लगातार संघर्ष करत पाबो हमला ओकर नांव ल ठोकार मं लेय
ले बचना चाही, ये परकार, बात करके जइसे, “हे, परभु, मैं कतना गरम



हवंवा।” “मै कतना ठण्डा हवंव,” मोर परभु, मै कतना मुखे मं मरत हंवा।
“मैं कतना कमजोर हंव, परभु।”

जब हमन ओकर महिमामय नांव ल लेथन त ओला उद्देश्य के साथ, आदर, सम्मान के साथ लेना चाही, ये पहिचानत कि ओकर नांव मं कतना सामर्थ अउ अधिकार हवय।

हमला मालुम होना चाही कि हमन परभु यीशु मसीह के नांव ल बोलथन त हमन अपन सामने हवा मण्डल मं जोन ओकर आय पुकारत हवन अउ ओकर नांव ओला दिखाथे अउ ओकर स्थान ल ले लेथे जब ओकर नांव लिये जाथे त ओ उहां हाजिर होथे। अउ इही मतलब होथे सामर्थ के प्रतिनिधि होय के।

मोर कना मोर आंटी के कारोबार के प्रतिनिधित्व करे के अधिकार हवय, मोला ओकर चेक उपर दसखत करे के अधिकार हवय। पैइसा खरच करे के, खरच चुकाय के अउ जमीन बेचे के घलो। मोला ये अधिकार अउ सामर्थ ये सति मिले हवय काबर कि मोला प्रतिनिधि के रूप मं ठहराय गये हवय।

इही वो आय जोन परभु यीशु मसीह ह तोला अउ हमर बर दिये हवय। परभु यीशु मसीह हमला ओ हालत मन मं, सिद्धान्त अउ सामर्थ मं ओ हमला ठहरा ठवके ओ सामर्थ भरे प्रतिनिधित्व के रूप मं ठहरा दिये हवय।

“नावं जोन धियान कराथे”

*अउ सरगदूत मन ले उतने ही बढिया ठहरिस जितना ओ ओमन
ले सुनिस, उंकर ले बड़े पद के वारिस होके बढिया नांव पाइस।*

इब्रानियों 1:4

बाइबिल के अनुसार जब परभु यीशु मसीह के नांव बोले जाथे त जम्मो सरग धियान देथे।

मोला कुछ आश्चर्य नउ होवय— कि जब हमन ईमानदारी आदर अउ विश्वास योग्यता ले परभु के नाव लेथन त जम्मो सरग ये बोलथे। श...श...।

हमन काबर कोनो प्रभावशाली मनखे ल जानना पसंद करथन? काबर कि हमन नाव-droppers बनना पसंद करथन। हमन ओ मनुष के नांव ल उपयोग करना चाहथन काबर कि एकर ले हमर महत्व बढथे।

ये सच ल मोर बेटी मन सीख गये हवयं।

मोर आफिस मं आने वाला जम्मो फोन ल मैं नइ उठा सकव, अगर उठाहूं त मैं कोनो काम नइ कर सकहूं। जब लोग मन मोर ले फोन मं बात करथें त ओमन जादा करके मोर कोनो सहायक कर्मचारी ले बात करथें या मोर voice mail मं खबर छोड़ देथें अउ ये बात मोर बहुत मैनेजर मन उपर घलो लागु हवयं। ये जम्मो मन ले व्यक्तिगत रूप मं बात कर सकना बड़ कठिन हे काबर कि ओमन घलो बहुत व्यस्त रहिथें।

जब मैं कभु घर मं होथं त अपन बेटी मन ले कहिथं, “Roxame (मोर मुख्य मैनेजर) ल फोन बोल दव कि मोला ओकर ले बात करना जरूरी हवयं)”

मोर बेटी मन महत्वपूर्ण हवयं अउ ओमन सेवा काम मं धियान रखथें पर ओमन जानथे कि उंकर नांव मोर नांव ले जादा धियान इन खींचय।

त अगर मोर बेटी Sandra फोन मं ये बोलथे मैं Sandra हं मोला Roxame ले बात करे के जरूरत है पर ओला वैर से परिणाम नइ मिलय



पर जब ओमन फोन करके ये बोलथे “मैं अपन मां खातिर फोन करत हंव अउ मोला Roxame ले बात करना हवया”

मैं अपन करमचारी मन ल बोल दिये हंव कि ओमन मोर फोन ल सीधा लगावंय काबर कि मैं सड़क मं हो सकत हंव, मोर कना इतिजार के समे न होवय अउ मोला फिर बात करे के मउका न मिले सकय।

त मोर बेटी मन सीख गये हवंय, मोर नांव के उपयोग करना, ये उंकर कुति धियान ल जादा खीचथे अउ परिणाम ल जल्दी लाथे।

हमन काबर जानना चाहथन कि कोनो आदमी महत्वपूर्ण हवय हमला जरूरत हवय ओ नांव ल लेयके अउ सही नांव – यीशु नांव। ये परकार हमला जरूरत हवय यीशु मसीह के नांव उपयोग मं लाय से हमला ओकर धियान खीचे के, अउ ओ जम्मो परिणाम जोन हमर जरूरत के हवय, रख छोड़े हवय कि हमन ओ पावन जोन ओकर कना हवय अउ जोन वो हमर बर करना चाहथे।

“पराथना मं ओकर नांव के उपयोग”

मैं तुमन ल एकदम सच कहत हंव जोन मोर उपर विश्वास करथे, वो काम जोन मैं करथंव, वो घलो करही अउ एकर ले घलो महान काम करही, काबर कि मैं पिता कना जावत हंव।

यूहन्ना 14:12

मैं ओ सामर्थी आत्मा के बारे मं नइ कहितेंव, पर जब मैं पराथना करथंव, त मैं यीशु के नांव ल ये परकार लेना चाहथंव 75% पराथना मन



मं मैं प्रशंसा अउ आराधना करथं, तब मैं पाथं कि धन्यवाद के बलिदान चढ़ाय ले मोर पराथना मन मं असर बढ़त जाथे।

ये बने बात हवय कि हमन परभु यीशु मसीह ले जानन कि ओ काय चाहथे। यीशु मसीह ह बताय हे कि हमन ओकर नांव ले मांगन। अगर हमन आराधना करने वाला हवन अउ अगर हमन धन्यवादित हवन अउ धन्यवाद ले भरे हवन त हमन अपन पराथना के जादा से जादा समे पनमेसर के बड़ाई मं बिता सकथन त हमन अपन जरूरत मन ल परभु यीशु के नांव मं बता सकथन तब ओ जल्दी हमर जरूरत मन ल पूरा करे बर हमर डहर फिरही।

बहुत बार मोर अपन अकेल्ला के पराथना मन के समे जोन मोर बर बहुत खास हवय, मैं ओकर उपस्थिति मं परवेश करथं, अउ तब मैं बार बार ओकर नांव ल लेथं, यीशु, यीशु, यीशु मैं तोला परेम करथं मैं तोर नांव के बड़ाई करथं, मैं तोर पवित्र नांव ल ऊंचा उठावत हंवा। मैं सिरवेवं कि जब मैं ओकर नांव ल बोलथं तब सामर्थ उतरथे, गुलाम स्वतंत्र होथे, अउ लोग मन के बंधन टूट थे। जब मैं बोलथं त मैं चाहथं कि जम्मो बिमार बने हो जावंय अउ जम्मो दुष्ट-आत्मा मन निकल जावंय। वो सामर्थ अउ अधिकार सिरिफ मोला ही नइ मिले हवय, ओकर नांव के सामर्थ हर एक विश्वासी मन बर हवय। तुमन ये नइ जान सकव काय हो ही अगर तुम विश्वासी मन अपन अभिषेक भरे हाथ कोनो के उपर रख के बोलव, “यीशु के नांव मं चंगा हो जाववा।”

कई बार जब हमन परभु यीशु के गीत मन ल गाथन तब हमन ये समझ नइ पावन कि काय उपदेश पनमेसर हमन ल देना चाहथे (देखव यूहन्ना 14:12-14)। मं परभु यीशु मसीह कहिथे, जब हमन ओकर नांव मं



पराथना करथन त हमन ये बात ल पिता कना रखथन ओ जम्मो कुछ जोन यीशु हवय।

मै ये पसंद करथंव, काबर कि ये मोर उपर ले तनाव हटा देथे

पराथना मं मै ये नइ रखंव कि मै काय हवंव अउ काय रहेंव अउ होना चाही, काबर कि बहुत गलती करथंव अउ गलत काम करथंव।

जब मै पराथना करथंव, कि हे पिता मैं तोर कना यीशु मसीह के नांव मं आवत हंव अउ विश्वास ले यीशु मसीह के खून ल अपन जीनगी उपर लगावत हंव, मै चाहथव कि तैं मोर जम्मो पाप मन ल माफी कर दे। अउ मै ओ नांव ले आवत हंव जोन हर नांव मन के उपर हवय। मै अपन पिता ल हर चीज जोन ओकर बेटा यीशु मसीह के हवय, ओमन ल रखथंव। मै पिता ल सुरता कराथंव जोन यीशु मसीह भोर बर करे हवय। वो ये संसार म एक बार जम्मो बर आइस, जेकर दुआरा पाप के सामर्थ ल हमन ले अलग कर देवय अउ ये काम ओकर बलिदान दुआरा होइस। (इब्रानियों 9:26)

यीशु हमर बर कुरुस मं बलि होइस अउ तीसर दिन जी उठिस।

मै यीशु मसीह मं अपन विश्वास ल घोषित करथंव कि मोर पाप हमेशा बर मोर मन मं झन रह सकय। जब मैं कोनो अराधना मं सेवा करथंव त मै आशा करथंव कि सामर्थ भरे काम मन ल होवत देखंव। मैं अपन नांव या इज्जत बर कोनो काम नउ करत हवंव।

मोर काम सिरिफ अतना हवय कि विश्वास मं खड़े खड़े होके ओकर नांव ल बोलना, मोर काम इतना हवय कि लोग मन बर पराथना करंव अउ पनमेसर उपर ओकर प्रतिफल ल छोड़ देवंव। मैं चाहथंव कि ओकर नांव



फैइलाय जावय अउ ऊंचा किये जाय। मै चाहथंव कि लोग मन ये बात ल जानंय कि परभु यीशु मसीह मं कतना सामर्थ हवय।

“अपन तरह ले पराथना करौ अपन जम्मो दिनम”

पतरस अउ यूहन्ना दिन मं तीन बजे करीब पराथना के समे मंदिर मं जावत रिहिन अउ लोग मन जनम के खोखा ले जावत रिहिन, जेला ओमन रोज मंदिर के ओ दरवाजा मं जोन सुदर कहिलाथे बैइठा देवत रिहिन कि वो मंदिर के भीतर जवैइया मन ले भीख मांग सकय। तब पतरस ह युहन्ना के साथ ओकर कुति एक टक देख के कहिस, “हमर कुति देखा” अउ खोखा कुछ पाय के आशा ले ओकर कुति देखन लगिस। त पतरस बोलिस, “भोर कना चांदी अउ सोना तो नइ हे, पर जोन मोर कना हवय वो तोला देवत हंव— यीशु मसीह नासरी के नांव ले चल-फिरा”

प्रेरितों के कामों 3:1-6

अगर हमन यीशु मसीह के नांव मं लोग मन बर अउ जादा पराथना करन, ओ मन ल जांचे के बदला, त हमन उंकर अउ अपन जीनगी मं अउ जादा बदलाव देख बो। लोग मन ल जांचे अउ उंकर बुराई निकाले ले बने हवय कि हमन उंकर बर पराथना करे मं समे लगावना। मै तुमन ल एक उदाहरण देवत हंव। मान लेवव कि हमन एक जवान आदमी ल सड़क मं चलत देखथन, वो लड़खड़ावत हवय त हमन अदाजा लगा सकथन कि ओ दारू पिये हवय काबर कि ओ गंदा सकथन कि ओ दारू पिये हवय काबर कि ओ गंदा अउ मैला कुचैला हवय हमन ये अदाजा लगा सकथन कि



ओकर कना रहे बर धर धलो नइ हे। कतना बार हमन अइसन आदमी ल देख के अपन आप ले कहिथन ये कतना शरम के बात हवय कि कोनो आदमी अपन जीनगी ये परकार नाश करय अतना भयानक तरीका। हवय जीये के मोला विश्वास नइ होवय कि लोग मन अपन आप ल ये स्थिति मं पहुँचा लेथे। जब कि एकर ले कम समे अउ ताकत ये कहे मं लगथे, पिता परभु यीशु मसीह के नांव मं ओ आदमी बर पराथना करत हंव, मै ओ जवान बर पराथना करत हंव कि ओला दुःख के हालत ले छुटकारा मिलय ओकर जीनगी मं निपूर्णता अउ मेहनत के रस्ता बनय कि ओ लोग मन के सुनय अउ लोग मन ओकर ले बने शब्द मं बात कर सकय। पनमेसर तोर धन्यवाद हो कि इही समे ले ओकर जीनगी मं काम होवन लगय अउ ओ कभु झन भटकय।

जैइसे पतरस अउ युहन्ना कहिस कि हमला अपन पराथना ल अपन तरीका ले दिन भर करत रहना चाही अउ हमला अपन वो बात ले छुटकारा पाना हे कि पराथना सिरिफ शरीर के आसन के रूप मं या घर के मुख्य स्थान मं या गिरजा घर मं होवय। ये सोचत हुए हमला जरूरत हवय...

पराथना सिरिफ पनमेसर ले बात करना आय अउ हमन ये रोज कर सकथन, पतरस अउ युहन्ना असन, अउ पूरा दिन भर। हमला परभु यीशु मसीह के नांव मं पराथना करे के जरूरत हवय— ओकर नांव मं विश्वास के साथ। ओकर नांव मं पराथना करना एक उत्तराधिकार आय (जैइसे पनमेसर के बेटा बेटा ल) परभु यीशु मसीह के खून दुआरा एक अधिकार ले मिले हवय। परभु यीशु मसीह के खून म ताकत हे जइसे ओकर नांव मं सामर्थ हवय।



“ओकर खून मं ताकत हवय”

काबर कि अगर अशुद्ध लोग मन उपर बकरा अउ बैइला मन के खून अउ कलोर के राख छिड़के जाय ले शरीर के अशुद्धता ले पवित्र करये। त मसीह के खून जोन अपन आप ल सनातन (सदा के) आत्मा द्वारा पनमेसर के आगु निर्दोष चढ़ा दिस तुंहर विवेक ल मरे हुए काम मन ले अउ जादा काबर शुद्ध नइ करही कि तुमन जिंदा पनमेसर के सेवा करवा।

इब्रानियों 9:13, 14

मोला यीशु मसीह के नांव के बारे मं अउ ओकर खून के बारे मं गीत गवइ अउ बात करइ पसंद आथे। काबर कि मैं मजबूत विश्वास करथं कि अगर हमन सच्चाई के अइसन करथन त सइतान जरूर भाग ही अगर हमन चाहथन कि आश्चर्य के काम, सामर्थ के काम के वातावरण बनय त पराथना करना शुरू करन। गीत गवइ परचार करइ अउ यीशु मसीह के खून ल अउ ओकर नांव ल ऊंचा करई शुरू कर देवन।

ओकर खून मं अतना सामर्थ हवय कि ओ जीनगी भर के पाप ल धो डालय। पनमेसर के सामर्थ ल उपयोग करइ जोन तुंहर कना हवय अउ ओकर नांव ल अपन पराथना मं अउ ओकर बड़ई बर उपयोग करन न कि बेकार मं। सोचन कि हमर कना काय हवय?

हमर कना यीशु मसीह के नांव अउ खून हवय।

खून हमला हमर पाप मन ले पूरा पूरा शुद्ध करथे। हमर पाप अइसे साफ



हो जाथे कि जइसे कि हमन कभु पाप नइ करे हवन (1 यूहन्ना 1:7) सरग अउ पिरथी के जम्मो सामर्थ यीशु मसीह के नांव मं हवय।

अउ ओ नांव हमला दिये गये हवय अब हमन यीशु मसीह के खून ले साफ हो गये हवन अब हमला आगु बढ़ना हवय। ये निश्चयता के साथ कि जोन हमन यीशु मसीह के नांव ले मांगथन या बोलथन वो हमला दीही काबर कि ये ओकर परतिज्ञा हे। काबर कि ओकर नांव मं सामर्थ हवय, जैसे कि पनमेसर जोन हवय उही ल हमन सामने मं रखथन।

अपन जीनगी ल बिन सामर्थ के इन बितानव पर “पनमेसर के सामर्थ ल उपयोग करना सीखन। ये तुंहर ओकर नांव के परसंशा, अउ ओकर नांव ले पराथना, करे के दुआरा हो सकथे।”



4

ओकर नांव बेकार इन लेहव



तैं अपन पनमेसर यहोवा के नांव बेकार के इन लेबे काबर कि जोन यहोवा के नांव बेकार लेथे, ओला यहोवा सजा दिये बिन नइ छोड़ही।

निर्गमन 20:7

तोला अपन पनमेसर अपन परभु के नांव बेकार उपयोग नइ दुहराना चाही याने कि हल्का रूप मं मजाक मं, न गलत रीति से ओकर नाव के कसम खाना चाही अउ न गंदा करना चाही। काबर कि जोन यहोवा के नांव बेकार म लीही, ओला निर्दोष नइ ठहराय जाही।

बहुत साल पहिली मैं एकर बारे म परकासन पाय रहेंव कि हमला पनमेसर के नांव बेकार के नइ लेना चाही।

उही समे ले मैं हमेशा ये विचार करेंव कि पनमेसर के नाव बेकार लेना उही परकार ले हवय कि पनमेसर के नांव ल कोनो शापित शब्द असन टोक देना या फिर अउ कोनो दोष भरे तरीका ले उपयोग करना।

जब मै ये पद ल पढ़ेंव जोन ये बताथे कि हंसी मजाक के रूप पनमेसर के नांव हलका रूप मं लेना अइसे करने वाला ल परभु कभु निर्दोष नइ



उहराही। हमन पनमेसर शब्द ल कई परकार ले उपयोग करथन। “सच्चा अउ झूठा ल, नकारात्मक अउ सकारात्मक ल मिलाना”

“स्वीकार अउ अस्वीकार ल मिला देना”

काय सोता के मुंह ले मीठा अउ खारा पानी निकलथे।

याकूब 3:11

हमन पनमेसर के नांव मं ओकर सामर्थ ल उतरत काबर नइ देखे पांवन? मोर विश्वास हवय कि येकर कारण ये हवय कि हमन अपन परचार, मं सच अउ झूठ ल मिला देथन। जब हमन ये करथन त प्रतिफल कुछ नइ होवया।

जब हमन बंधन मन ल तोड़ना चाहथन त हमन पनमेसर के नांव ल वास्तविक रूप मं नइ लेवन। हमन ओकर नांव ल अवास्तविक रूप मं लेवत अउ ये समझत कि अभी घलो ओकर सामर्थ तुंहर कना हवय।

ओ हालत मन मं पनमेसर मोर ले वोल के कहिस “कुछ लोग मन कहुं पहुँच नइ पावय काबर कि कुछ दिन तक ओमन नकारात्मक रहिथे अउ कुछ दिन तक उही बारे मं सकारात्मक हो जाथे। जब हमन पराथना करथन त ओ शब्द मन दुआरा ओ वाक्य ल मान लेथन। त सरगदूत मन ओ काम ल हमर बर करथे।” (देखव भजन संहिता 103:20, इब्रानियों 1:14)

जब लोग मन कुछ अइसे बात बोलथे, “ओ परभु मैं कतना थक गये हंव,” तब ओमन पराथना नइ करंय सिरिफ अपन इच्छा ल मुहावरा असन बोलथे। अब कहना अच्छा हे, कि ओह परभु मैं कतना थक गये हंव।

जब हमन सच मं अपन हिरदय परभु कुति उठाथन सच बोलने वाला असन कि ये हालत मं रहत कइ बरवत हमन अइसे नइ करे होतेन। बिन



ये सोचे विचारे कि हमन पनमेसर के नांव ल एक मजाक के रूप मं लेवत हवन। हमन देखथन कि पनमेसर साफ साफ कहे हवय जोन अइसे करथे वो निर्दोष नइ ठहराय जाही। ये कारण हमला सावधान रहना हवय कि हमन ओकर नांव ल कइसे उपयोग करथन।

मै जिंहा जाथव उहां सुनथव, विश्वासी मन ले ये काहत, “ओह! परभु, या मयारु परभु, जब कि ओमन पनमेसर ल नइ बोलत राहंय। ये परकार परभु परभु बोलना उंकर आदत बन चुके हवया”

ये कहना उंकर आदत बन गये हवय, जैइसे, “पनमेसर आज कतना गरमी हवय, मोर पनमेसर सब्जी के दाम कतना बढ़ गये हवय, आज कतेक ठंड हवय, अच्छा परभु मै कतेक भूखी हवंव, अउ मरने वाली हंवा”

जब मै परचारक मन साथ होथव त घलो मै अइसन भाषा मन ल सुनथंव अराधना करने वाला मन ले अगुवा मन ले, धरम परचारक मन ले, अउ दुसर मन ले।

सच मं मै एला अतना सुनथंव कि समे नउ होवय कि ओमन के सुधार करंव पर ओमन हमेशा कहत रहिथे पर ये मोला दुःख पहुचाथे मोला मालुम हवय कि ओमन अपन आप ल नुकसान पहुंचावत हंवय, जब अइसे बोलथे।

परभु मोला सिखाइस कि बहुत लोग मन मसीह के देह आंय, ओमन ल येकर बारे मं एकदम बदले के जरूरत हवय, जैसे नाटक मन मं होथे।

“ओकर नांव के आदर”

ए सति जब कि हमन ल अइसे राज मिलने वाला हे जोन टलने वाला नइ हे, त आवव हमन अभारी होके आदर अउ



डर के साथ पनमेसर के अइसन उपासना करन जोन ओला
स्वीकार होवय।

इब्रानियों 12:28

मै अइसे कार्यक्रम या पिक्चर ल टेलीविजन मं देखना पसंद नइ करंव
जेनमा परभु के नांव बेकार लिये जाथे। ये कर कोनो मतलब नइ हवय कि
कोन से कार्यक्रम आय अउ मै या मोर परिवार ओला देखना चाहत होवय,
अगर परभु के नांव बेकार मं लिये जाथे त ओला बंद कर दिये जाथे।

काबर? काबर कि ओ आदर के लैइक नइ होवय मै परभु ल उतना
जादा परेम करथंव, कि कोनो दुसर के नांव उपयोग करे के बदला ओ
सिरिफ मोर बर बहुत करिस मै सचमुच मं विश्वास करथंव कि अगर हमन
चाहथन कि पनमेसर के हमर जीनगी म उंडेले जावय जब हमन ल ओकर
जरूरत होवय, त हमन ओ नांव के आदर करन बाकी बखत मं हमन बहुत
मन कना आज ये उपाय नइ हे, जोन आदर पनमेसर के नांव बर पुराना नियम
के लोग मन कना रिहिस।

येकर बर ओमन मं आदर भरे डर रिहिस कि ओमन ओला बोलत घलो
नइ रिहिन। कतरो बार सिरिफ “ओकर नांव” ले ही संबोधन करत रिहिन
काबर कि ओमन ल ओ सामर्थ के बारे मं पता रिहिस, जोन ओकर नांव
मं रिहिस। दाऊद पुराना नियम ले सहमत रिहिस जब ओ गोलियत के सामना
करे रिहिस, पलिस्ती एक ताकत वाले दानव जोन इस्राएली मन के
बैरी रिहिस अपन देवता दुआरा शाप दिलवाइस, धमकी दिस कि ओ
ओकर... मांस आकाश के चिरइ मन ल अउ मैदान के जंगली जानवर मन
ले देहंव। (1 शमएल 17:43,44)



दाऊद दुविधा के दलदल मं फंस गिस पर ओ अपन बैरी मन ल ये ध मकी देवत घोषणा करिस, त दाऊद पलिस्ती ले कहिस, “तै मोर कना तलवार, भाला, अउ बरछी लेके आय हवस, पर मै सेना मन के यहोवा इस्त्राएल के सेना के पनमेसर के नांव ल तोर कना आये हंव, जेला तैं ललकारे हवसा” (1 शमएल 17:45)

त दाऊद बोलिस, “मै तोर भुड़ी-धड़ ले अलग कर दूहूं।” 1 शमएल 17:46

जब दाऊद वो ताकत वाले दानव ले युद्ध करे बर बाहिर आइस त ओ कुछ नउ करिस सिरिफ गोफन के अउ परभु के नांव के। पर ओ कहूं बहुत जादा सामर्थी रिहिस ओ पीतल के बने गोफन ले बैरी हराय बर। अउ इही हमला अउ तोला करना हे अपन ओ आत्मिक वैरी ल भोर बर जो सइतान आया। हमन ल आत्मिक हथियार के उपयोग करना हे अउ जैइसे हमन देखे हवन, ओमा ले एक हथियार हे ओकर नांव अधकार ल चीरने वाला यीशु के नाव

“समस्या मन के बखत पवित्र आत्मा के सहायता लेवव”

काबर कि हमर ये कुशती मांस अउ खून ले नइ हवय पर,
परधान, अधिकारी, अधियारा के आत्मिक शक्ति, अउ
दुष्टता के ओ ओ आत्मिक सेना, मन ले हवय जौन आकाश
मं हवय।

इफिसियों 6:12

जब हमला कोनो गुस्सा दिलाथे, निराश करथे, ये बने काम नोहय कि हमन कोनो ल परखन या दोष लगावन पर परभु यीशु मसीह के नांव ले ओकर ले व्यवहार करना हे अउ ओ आला ले जोन ओकर पीछे हवय अउ ओकर दुआरा काम करथे कतनो बार अइसे समे मं जब हमन खेल के मैइदान मं रहिथं, जब मै लोग मन के बीच मं होथं त हमेशा मै ओमन ल दूसर लोग ल कोसत सुनत रहिथं ओ समे मै यीशु मसीह के नांव मं कोसने वाली दुष्ट आत्मा ल अधिकार मं ले लेथं अउ ओकर मुंह ल बंद कर देथं।

मै लोग मन ल दोष लभावत, बड़बड़ावत, कुड़कुड़ावत, दुसर मन के कभी दूढ़त पसंद नइ करं, दुसर समे तो सुन सकथं पर इहां उंकर साथ पूरा दिन बिताना पड़थे। “पिता मै ये आत्मा उपर अधिकार लेवत हं अउ एला यीशु मसीह के नांव मं बांधत हं मै एला दिन भर सुनना नइ चाहं।” (देखव मत्ती 18:18)

बहुत बार लोग मन मोर ले पूछथें काय तोला हर बार उही बखत उत्तर मिल जाथे?

मोर उत्तर होथे, नइ। लोग मन कना अपन इच्छा हवय अउ ओमन मोर पराथना के इंकार करत पराथना ल दुहरा सकथें, लेकिन मै खुद के जीनगी मं सीखत हं एकर पहिली कि कोनो दुसर काम करं अउ पहिले पराथना करं। पराथना करना समस्या मन ल सुलझाय बर एक वास्तविक सकारात्मक शक्ति आय। अगर मोला कोनो खास आदमी ले सीधा कहे के जरूरत होही त तो जरूर कहहूं पर मै हमेशा ये चाहं कि ये परकार के हालत मन ल पवित्र आत्मा के अगुवाई मं करं।



मुख्य बात ये हवय कि हमन ल जादा पराथना करे के जरूरत हवय, ओ लोग मन बर जेकर ले हमन रोज मिलथन जुलथन। हमला सुरता रखे के जरूरत हवय कि परभु यीशु मसीह के नांव मं सामर्थ हवय।

“नांव कोनो मजाक नइ हे”

“अउ न लज्जा, न मूर्खता, न ठट्ठा के बातचीत, काबर कि ये सोहय नइ, पर धन्यवाद ही सुने जावया”

इफिसियों 5:4

दुसर बात जेकर मै आदत डालेंव पनमेसर जेकर बर मोला सजा दिस, अउ ओ रिहिस ओकर नांव बेकार मं लेना मूर्खता भरे बात मं उपयोग करना।

उदाहरण बर एक रतिहा हमर बेटा ठीक खाय के वखत आइस मै बहुत स्वादिष्ट खाना टेबल मं सजाय रहेंव ओ सिरिफ बोलत जावत रिहिस। कइ विषय मं जेमा मं पडना नइ चाहंव जब मै देखेव कि ओला जाय के जल्दी नइ हे त मै हंसी मं ओकर ले कहेव, “यीशु के नाव मं दूर हो जा।”

जइसे ही मैं ये कहेंव मोर अंदर बहुत भारी दोष के अनुभव होइस काबर कि पनमेसर मोला इही बारे मं सिखावत रिहिस। मै इही परकार लोग मन ल काहत सुनथंव, पर हमन ल सावधान रहे के जरूरत हवय कि हमन ओकर नांव मजाक म झन लेवन। एक बार मै एक सामर्थी मसीही मध्यस्थता के पराथना करने वाला संग खाना खाय बर गयेंव जोन हमेशा बचन ल परचार करय मै ओला एक घंटा मं पांच बार परभु के नांव ल बेकार मं लेवत सुनेंव (हल्का पन अउ मूर्खता के रूप मं) बहुत बार विश्वासी मन अइसे करथे बिन महसूस किये कि ओमन काय करत हवयं।



जब तुमन पनमेसर के नांव लेथव त ये बात के यकीन रहय कि तुमन विश्वास योग्य हव अगर तुमन गलत आदत के कारण गलती करथव, गलस रीति ले ओकर नांव लेथव या करत सुनथव त तुमन उही समे रुकव अउ पश्चाताप करव ये कहिके कि पनमेसर मोला क्षमा कर दे तोर नांव ल वेकार म लेय बर। तुमन ये बात ल अनुभव करव कि तुमन ओकर नांव गलत रीति ले लेके अपन आप ल चोट पहुँचावत हवव। अगर तुमन चाहथव कि ओकर नांव के महान सामर्थ तुंहर जीनगी मं उंडेले जावय तुंहर जरूरत के समे मं त तोला बाकी समे मं ओकर नांव ल आदर देना पड़ ही।

सामर्थ तुंहर बर उही समे मिल जाहो जब तुमन विश्वास करके ओकर नांव पुकारथव कि सइतान के सेना के विरुद्ध उपयोग म लाय बर सामर्थ, हमर सहायता बर सामर्थ दुसर मन ल आशीष देय बर सामर्थ। मै ओ थोड़ा सामर्थ के बात नउ करत हंव पर ओ बहने वाली महान धारा, जोन पनमेसर ल उतार के हमर बीच कब्जा कर सकथे।

एकर एक ही चाभी हवय सामर्थ के वो तेजोमय नांव ल बोलना – “यीशु” – पर आदर सम्मान के साथ मं।

5

आदर अउ सम्मान



ओकर नाव के अमत बम, दक तमचम बम थ्वंत जीम छं उम।

पर जोन छली के झुण्ड मं नर पशु होवय ओ ओकर मन्नत मान के भी खोटा पशु ल परभु बर चढ़ावय वो शापित होवय, काबर कि मै तो महाराजा आवं, सेना मन के यहोवा के इही वाणी आय, अउ मोर नांव दुसर जात वाले मन के बीच मं भय योग्य हवय।

मलाकी 1:14

जब तुमन ये पुस्तक के ये बिन्दु तक पहुँच गये हव त मोला विश्वास हवय कि तुमन ये अनुभव कर लिये होहव कि यीशु मसीह के नांव ओ जम्मो साधारा नाम मन ले बढ़िया हवय अउ ये पद मं परभु खुद सावधान करे हवय कि ओकर नांव आदर, भय के साथ लेवव।

भय शब्द के मायने इहां दिखाय गये हवय कि आदर भरे भरोसा, प्रेम, आज्ञा मानना ले पनमेसर बर होवय। यहोवा के भय मानना बुद्धि के शुरुआत आय मूरख मन ही बुद्धी अउ शिक्षा ल तुच्छ समझथें। (नीतिवचन 1:6)



हमला बताय गये हे, अगर तुमन सच्चाई जाने चाहथव त मैं सोचथंव कि आज बहुत मसीही मन अपन सम्मान दुसर चीज मन मं गवां दिये हवंय।

जब हमन ये सीखथन कि परभु हमर मितान आय त हमन बहुत अराम देह रिस्ता मं ओकर कना आ जाथन। क बहुत बार ओ मोर हिरदय ले बात करथे हमला सावधान रहना हे कि ओ “कोमो अइसन मनुष हे” अउ ये सोचत कोनो हवय सिवाय ये जाने कि ओ महान अउ आदर लायक हे।

“आदर, आज्ञा मानना ल प्रेरित करथे”

हे बच्चा होवव, अपन दाई ददा के आज्ञा मानव, काबर कि ये ठीक हे। अपन दाई ददा के आदर कर – ये पहली आज्ञा आय जेकर साथ मं परतिज्ञा घलो हवय।

इफिसियों 6:1-2

मैं विश्वास करथंव कि अगर हमन आदर करैइया हो जावन त हमन अउ जादा आज्ञा मानने वाला हो जाबों। जब बच्चा मन आदर करने वाला हो जाये त ओमन अपन दाई-ददा मन ले बहस नइ करंय अउ न उंकर विरोध करंय।

मैं एकर उपर विश्वास करथंव कि बहुत बच्चा मन अपन दाई-ददा के आदर उतना नइ करंय जतना ओमन ल करना चाही काबर कि उंकर दाई-ददा मन आत्मिक बात मन बर, अउ आत्मिक अगुवा मन बर, आदर सम्मान करना खो दिये हवंय अउ अपन अधिकार मन ल बेकार के बात मन मं लगा दिये हवंय अउ ये परकार बच्चा मन अउ दाई-ददा मन के बीच ले आदर सम्मान खतम हो गये हवय। ये कारण ओमन बहस करथें अउ विद्रोह करथे। अगर दाई ददा मन खुल के अपन साथ काम करने वाला मन



के साथ निरादर करथे त ओमन अपन बच्चा मन ल निरादर करे के गलत शिक्षा देथें।

बहुत साधारण बात हे कि अगर तुमन कोनो भी स्थान जैइसे दुकान मं देखव कि कोनो दु साल के बच्चा कइसे कोनो चीज ल पाय बर जिद करथें अउ अपन क्रोध परगट करथें या अपन दाई ल लाट मारथे। अगर हमन अभी ये बात मन उपर धियान नउ देबो त हमर बच्चा मन आखिर मं हमर प्रति अउ सरग के पिता के प्रति इही परकार के व्यवहार करत पाय जाथें। दुसर शब्द मं हमर प्रति परभु बर आदर सम्मान अउ सब मन साथ आदर सम्मान जोन कुछ उंक अधिकार मं हवय। हमन ल ये समझना चाही कि सइतान इही सब करवाना चाहथे वो दुनिया मं इही परकार के कोशिश करथे जैइस अनादर करना लज्जित करना। विश्वास करव कि ओर चर्च मन मं घलो चुपचाप अपन रस्ता बना लेथे। काबर कि ओला मालुम हवय कि ओकर अइसे करे ले हमन अनाज्ञाकारी बन जाथन। आज्ञा के उलंघन करे ले हमन पनमेसर के ओ सामर्थ ल अपन जीनगी ले खो देथन। हमला एक बात के सावधानी रखना हे कि हमन ओकर सामर्थ पा लेवन।

“प्रचलित होय ले आदर-सम्मान”

जब ओमन नाकोन के कोठार तक आइन, त उज्जा अपन हाथ पनमेसर के संदूक कुति बढ़ा के ओला छू लिस काबर कि बैइला मन ठोकर खाइन त यहोवा के क्रोध उज्जा उपर भड़क उठिस अउ पनमेसर ओकर दोष के कारण ओला उहां अइसे मारिस कि ओ उहां पनमेसर के संदूक कना मर गिस।

2 शमएल 6:6-9



पुराना नियम के ये अध्याय मं हमन देखथन कि दाऊद अउ ओकर लोग ओ वाचा के संदूक ल वापस लावत हवंय त जैइसे ही ओमन नाकोन के कोठार तक आइन अउ संदूक बैइला मन के ठोकर खाय ल हिलन लगिस। उज्जा एक जवान लड़का राहय जोन ओ गाड़ी ल चलावत राहय हाथ बढ़ा के संदूक ल थामे के कोशिश करिस अउ सदूक ल थामिस – अउ पनमेसर ओकर दोष के कारण ओला उहां अइसे मारिस कि ओ उहां पनमेसर के संदूक कना मर गिस। पद 7

हमन 3, 4 अध्याय मं पढ़ सकत हवन कि पनमेसर मूसा ल विशेष रूप मं चिताइस चेताइस कि संदूक ल कोन यरकार ले थामे जाय, अउ आगु वढ़ाय जाय पद 8 दाऊद बर कथे कि दाऊद ओ संदूक के कारण उज्जा के मिरतु होइस दुःख अउ पीरा ले भर जाथे ओ से समझ नइ सकल रिहिस कि उज्जा सिरिफ संदूक ल दुअत ही काबर मरिस।

1 शमुएल 7 म हमन पढ़थन कि जब ओ संदूक पहली इस्राएल वापस लाय गिस त फिलिस्ती मन दुआरा अमीनादाब के घर मं रखे गिस। उज्जा के बाप बहुत साथ तक मोर विश्वास मं संदूक के उहां रहे के कारण उज्जा बर एक साधारण बात बन गिस ये सति ओ ओला सम्मान के साथ नइ देखत रिहिस ये करना ओला जरा भी भय नइ रिहिस कि संदूक ल नउ छूना चाही ओ संदूक के प्रचलित होय के कारण ओकर अंदर ओ सम्मान नइ रिहिस अउ ये कारण ओला अपन जान गंवाना पड़िस।

“समानता सामर्थ मं कभी लाथे”

अउ ओ उंकर अविश्वास उपर आश्चर्य करिस अउ चारों
कृति के गाव मं उपदेश देवत फिरिस।



यीशु उंकर ले कहिस, “भविष्यवक्ता अपना देश अउ अपन परिवार अउ अपन घर के छोड़ अउ कहुं निरादर नउ पावय” अउ उहां कोनो सामर्थ के काम नउ कर सकिस, केवल थोड़कन बयमार मन उपर हाथ रख के ओमन ल चंगा करिस।

मरकुस 6:4-6

हमला सावधान रहना चाही कि बात मन बर समानता झन रखन। काबर कि एक बार अगर हमन ओकर बर समानता रखथन त ओकर बर ओ आदर नइ रख पावन जैइसे कि हमन ल रखना चाही।

ये सच्चाई प्रचलित लोग मन बर धलो हवय मै जानथंव कि बहुत लोग मन ये समझ नइ पावयं कि आत्मिक अगुवा मन मितान अउ साथी काबर नइ धन पावयं। कभु कभु कुछ लोग मन आत्मिक अगुवा ल अतना बने ले नइ जान पावयं अउ न लंबा समे तक ओ स्थान मं देख पावयं जिहां ओमन ल होना चाही। ये मनुष के स्वभाव हवय कि ओ इच्छा के अनुसार उपयोग यं लाय के चीज मन के कीमत कम कर देथें।

मरकुस के छठवैइय्या अध्याय मँ जब यीशु अपन नासरथ शहर मं गिस ओ यहूदी लोग मन के अराधनालय मन मं उपदेश करे बर गये रिहिस त कतनो बार ओ लोग मन उपर क्रोध जताइस ओमन यीशु ल मरियम के बेटा कहि के पहिचान कराइन ओमन ओकर भाई बहिनी मन ल जानत रिहिन अउ ओमन मं ओकर समानता होय के कारण निरादर करिन। जेकर कारण जोन सामर्थ उंकर सहायता करे बर रिहिस ओ कम हो गिस ये कारण ओ कम लोग ल बने कर सकिस।



कभु कभु एक अगुवा अपन चर्च के कोनो आदमी बर पराथना करत जाथे पर ओकर जीनगी मं कोनो भी अइसे घटना नइ होवय। पर जब कोनो दुसर अगुवा ओ चर्च मं आथे कि उही आदमी बर पराथना करय त ओ आदमी उंहे तुरत बने हो जाथे।

अइसे काबर होथे? काय एक दुसर परचारक तुलना मं जादा अभिशिक्त अउ सामर्थी हवय? नइ कारण ये हवय कि एक बिमार आदमी ओ दुसर छ परचारक उही परकार नइ देखय। ओ अपन अगुवा ल हर हप्ता देखथे ये सति ओ पुराना अगुवा हो जाथे। जम्मो मन ओकर ले परेम करथें ओला समझथे घलो कि वो एक महान प्रसन्नचित जन हे। पर ओमन ओकर उपर वइसे विश्वास नइ करंय जतना कि जेला ओभन नइ जानंय ओकर उपर करथे। शायद इही कारण ले घलो कि ओमन ओला व्यक्तिगत रूप मं देखे होवंय अउ थोड़ा क्रोधा आदमी असन। ये सति ओमन ये बात ल अचानक गरहन नइ कर पावंय कि ओ एक हमेशा समान आदमी आय जैइसे ओ जम्मो मन हवंय।

पर ओ लोग मन ये देख नइ पावंय कि उही जम्मो काम चर्च मं आय के पहिली वो परचारक घलो करथे।

“समानता आदर ल कम करथे”

काय ये उही बढ़ई नइ हे, जोन मरियम के बेटा अउ याकूब अउ युसुफ योसेस अउ यहूदा अउ शिमोन के भाई हे? काय ओकर बहिनी मन हमर बीच मं नइ राहंय? ये सति ओमन ओकर बारे मं ठोकर खाइन।

मरकुस 6:3

जब कोने आदमी उद्धार पा जाथे अउ अपन जीनगी मं परमेसर के आवाज सुनथे त परिवार के लोग अउ रिस्तेदार मन ओकर बुलाहट ल गरहन नइ कर पावयं।

काय तुमन जानथव कि अइसे काबर होथे? कारण ये हवय कि वो उंकर ले बहुत जादा परिचित हवय कि ओ आदर जोन ओला मिलना चाही ओमन नइ पावयं।

जइसे कि हमन पहले देखे हवन, ये कोनो के साथ हो सकथे। बाइबिल बताथे कि यीशु के भाई ओकर उपर विश्वास नइ करत रिहिन। (यूहन्ना 7:5)

अभी भी मोर रिस्तेदार हवयं जेमन मोर परचार ल नइ मानय जइसे कि दुसर मन धलो करथें। कई बार लोग मन बताइन कि “तैं जरूर गरम अउ जोश भरे हवस पर हमन तोला अच्छा से जानथन जब तैं...”

कई बार बहुत लोग मन हमर बीते हुए समेल नइ भूल पावयं पर बाइबिल वोलथे कि जब कोनो यीशु मसीह मं हवय, वो एक नवा सिरिष्ठी आय पुराना बात चले गिस अउ देखव जम्मो नवा हो गिस। (2 कुरिन्थियों 5:17)

हमन यीशु मसीह के नांव ले जादा परिचित होना नइ चाहन अउ ये कारण बिन सोच विचार किये बिन समझे-बूझे ओकर नांव ल लेवत रहिथन कि नांव बोले बढके बात आय।

मोला तोर बारे मं तो नइ मालुम, पर जब ओकर नांव ल बोलथं “यीशु” त मैं सच मं अभिषेक ल अपन उपर अनुभव करथं अउ जब मैं



सभा मन मं वोल्थंव त लोग मन बच जाथे, बने हो जाथे, अउ पवित्र आत्मा ले भर जाथें।

ये परकार के परिणाम हर कोनो के सभा मं नइ हो पावय। ये सति मोर हिरदय के गहराई मं ये इच्छा हवय कि हर विश्वासी ओ तेजस्वी नांव के आदर अउ सम्मान रखंय। जब हमन अइसे करथन त हमन अपन आप ल ओ सामर्थी नांव के योग्य पाथन – ओ सामर्थ, अपन परिस्थिति मन ले निकले के, अद्भुत शक्ति ले दुसर ल परचार करे के।

6

नांव अउ रिस्ता



यीशु नांव जम्मो नांव मन ले ऊंचा हवय वो एला आखरी तक आज्ञा मान के पाइस, हमन पहिले ही आज्ञा माने के बारे मं बात कर चुके हवन। पर नांव के साथ मं दुसर बात घलो हवय जेला मै एकर बाद रख हूं।

अउ मनुष के रूप मं परगट होकरे अपन ल दीन बनाइस अउ इहां तक आज्ञा मानिस, कि मिरतु हव कुरुस के मिरतु घलो सह लिस ये कारण पनमेसर ओला बहुत महान घलो करिस। अउ ओला वो गांव दिस जोन जम्मो नांव मनं मं बढके हवय। कि जोन सरग मं अउ पिरथी उपर, अउ जोन पिरथी के नीचे हवय ओ जम्मो यीशु के नांव मं घुटना टेकय। अउ पनमेसर पिता के महिमा बर हर जीभ स्वीकार कर लेवय कि यीशु मसीह ही परभु आय।

फिलिप्पियों 2:8-11

ये भाग मं बताय हवय कि यीशु मसीह ये नांव ल कइसे पाइस। जेकर बारे म हमन बात करत रहेन। अउ ओकर वर्णन ये भाग मं सामर्थ भरे रूप



मं ये भाग मं दिये हवय। वो नाव जोन शब्द उद्धारकर्ता के रूप मं (यूहन्ना 1:1) पनमेसर के मेमना (यूहन्ना 1:29) जीनगी के रोट (यूहन्ना 6:35) परभु मन के परभु अउ राजा मन के राजा (प्रकाशितवाक्य 17:14)।

“आज्ञा मानना अउ रिस्ता”

जइसे यीशु मसीह के व्यवहार, अउ उद्देश्य अउ विचार (दीनता) रिहिस वैइसन ही तुंहर स्वभाव होवय जोन पनमेसर के स्वरूप म होके घलो पनमेसर के बराबर होना ल अपन बस मं रखे के बात नइ समझिस पर अपन ल शुन्य बनाइस अउ दास के रूप पहिनिस अउ मनुष के समानत हो गिस।

फिलिप्पियों 2:5-7

ये भाग मं यीशु मसीह ले पहिले प्रेरित मन के आज्ञा मानना ल बताय गये हवय (फिलिप्पियों 2:8-11)। ये अध्याय के शुरु मं वो अपन पिता के अधीन हो के ओकर अनुसार चलिस।

अगर यीशु मसीह के नांव हमर जीनगी मं एक सामर्थ भरे परिणाम ला सकथे, त हमन सबले पहली ओकर ले रिस्ता जोड़न जैइसे कि सरग मं ओकर रिस्ता ओकर पिता के साथ मं रिहिस। कोनो के साथ रिस्ता बनाय बर ओकर संग समे बिताय के जरूरत रहिथे। परभु के साथ जादा रिस्ता बनाय बर हमला रोज ओकर साथ समे बिताना अउ संगति रखना पड़ही। ओकर साथ रोज बात करना हर दिन बचन पढ़ना अउ अपन जीनगी मं ओकर दखल होवन देना चाही। बिना कोनो समर्पण के तुंहर ओकर साथ

सच्चा रिस्ता नइ बन सकया। वइसने ही समर्पण जैइसे बिहाव के समे मं किये जाथे।

ओकर नांव के उपयोग करे बर हमला जरूरी हवय “बिहाव।”

जेकर दुल्हन आय, वोही दुल्हा आय, पर दुल्हा के मितान खड़ा रहिके ओकर सुनथे, दुल्हा के शब्द ले बहुत खुश होथे, अब मोर ये खुशी पूरा होइस।

यूहन्ना 3:29

बाइबिल मं, यीशु मसीह अपन आप ल एक दुल्हा के रूप मं अउ चर्च ल एक दुल्हन के रूप मं दिखाय हवय। शादी होय बर दुल्हा अउ दुल्हन जरूरी हवय। एक बिहाव अंतिम समे तक बर दुल्हा अउ दुल्हन के बीच बनथे।

जब मोर देव मेयर के साथ बिहाव होइस त मैं ओकर नाव पा लेव अउ मैं श्रीमती देव मेयर बन गयेव। अब मोर कना हर ओ अधिकार हे जोन देव मेयर के नांव दिखाथे।

हमर बिहाव के पहिली कुछ अधिकार नइ रिहिस। मोर कना नवा कार हो गिस उही समे ले हमन पति पत्नी बन गयेन कार मो हो गिस।

विहाव ले पहली मोर कना बहुत करजा रिहिस पर जइसे ही हमर बिहाव होइस जम्मो करजा देव के हो गइस।

हमर मन के हर चीज जोन खुद के रिहिस अब एक दुसर के हो गिस काबर कि हमन एक दुसर के साथ मं विहाव के रिस्ता मं बंध गयेन। अइसे

तब नइ रिहिस जब हमन एक दुसर के साथ अउ कोनो चीज जोन नांव ल व्रत रिहिस, जब तक हमर विहाव नइ हो गिस।

इही परकार यीशु मसीह के साथ घलो होना हवय हमन ल ओकर नांव नइ मिलय न ओकर सामर्थ जोन ओमा हवय जब तक कि हमर बिहाव ओकर साथ नइ हो जावय।

जादा करके समस्या ये होथे कि मसीही लोग मन सिरिफ मिलना जुलना पसंद करथे, ओमन अपन जीनगी अपन किसम ले जीना चाहथें, स्वतन्त्रता से ओ अपन जम्मो चीज देना नइ चाहंय, ओमन अपन जीनगी के कुछ भाग ल अपन ही बनाय रखना चाहथें ओमन पूरा तरह समर्पित होना नइ चाहंय, जब ओमन कोनो समस्या या विपदा मं पड़थे तब “हे यीशु मै परेशानी मं हवंव, मै तोर ले मिलना चाहथंव अउ मोला कुछ पैइसा के जरूरत हवय मै तोर ले मिलना चाहथंव अउ यीशु मै बयमार हंव मै तोर ले मिलना चाहथंव, ओमन इही कारण ओकर नांव ल पुकारथे, या ओमन ल पैइसा मिल जावय या छुटकारा मिल जावय।” पर ओमन पूरा किसम ले पूरा समे बर ओकर नइ बनन। चाहय।

यीशु ये बात मं रूची नउ रखय कि हमर मेल मिलाप क्षणिक भर होवय पर ओ हमर ले हमेशा के रिस्ता रखना चाहथे, वो हमर अंगरी मं रिस्ता के छल्ला ल पहिना के रिस्ता बनाना चाहथे हमर ले बिहाव करना चाहथे। कि हमन ओला पति के रूप मं ओला अपनावन हमर एकलौता परभु अउ मालिक के रूप मं (यशायाह 54:5)।

समस्या ये हवय कि हमन बहुत बार ये परकार के समझौता म बंधना चाहन। हमन ओकर नांव के उपयोग करना चाहथन पर हमला ये अनुभव

करना हे कि हमन ओकर नांव के उपयोग तब तक इन करन जब तक हमन ओकर साथ मं हमर बिहाव या गहरा रिस्ता मं जुड़ न जवान। मोला अपन पति के नांव उपयोग करे के अनुमति नइ रिहिस जब तक मोर बिहाव ओकर साथ नइ हो गिस।

जब तक हमन मिलत जुलत रहेन त हमन ओकर नांव के दसखत नइ कर सकत रहेन अउ न ही पैइसा निकाल सकत रहेन। पर जोन पल हमर बिहव होइस मै ओकर खाता ले पैइसा निकालन लगेंव काबर कि जोन कुछ ओकर रिहिस वो मोर हो गिस अउ जोन मोर रिहिस ओकर हो गिस।

परभु यीशु मसीह काफी सभे पहिले मोला (मोर हिरदय मं) बताइस, “अगर तैं मोल जम्मो चीज ल देबे जोन तोर कना हवय त मै तोला वो हर चीज ल दूहूं जोन मोर कना हवय, पर तोला मोर बने के जरूरत हवया”

दुसर शब्द मं ओ चाहथे कि हमन अपन जम्मो धियान ओकर कुति कर लेवन पूरा किसम ले ओकर पीछू चलन अउ हर चीज ओला दे देवन।

काबर, ओकर साथ रिस्ता होय ले ही सामर्थ आथे पूरा तरह ले ओकर बने ले।

“संबंध रखना सामर्थ लाथे”

पर जतना मन ओला गरहन करिन, ओ ओमन ल, पनमेसर के संतान होय के अधिकार दिस, याने ओमन ल जोन मन ओकर नांव मं विश्वास रखथें।

यूहन्ना 1:12

मोर जीनगी मं एक क्षमता हवय अउ ओ हर समे बढ़थे। मै पनमेसर के हंव, मोर मतलब काय हे मै अपन नइ हंव, जोन चाहे या जैइसे चांहंव या जैइसे खरचा करना चांहंव, या जैइसे चांहंव कोनो के साथ व्यवहार करंव, जैइसे चांहंव अपन जीनगी ल वितावंव ये जम्मो के अनुमति जब पनमेसर देखे तब करथंव।

मै ओकर ले हर छोटे छोटे बात बर ओकर इच्छा जाने बर ओकर कना नइ जावंव पर एकर पहिली कि मै कुछु करंव मोला विश्वास हे कि हमर सहायक पवित्र आत्मा हमर अगुवाई करथे। अपनी जीनगी के हर दिन के काम मं ओ जम्मो भारी हालत मं जोन कभु कभु आथे, पर जैइस ही मोला पनमेसर ले इशारा मिलथे कि जोन मै करे बर जावत हव ओ गलत हवय मै तुरते अपन आप ल रोक लेथंव। मै अइसे काबर करथंव? काबर कि मोला अदर भरे भय रहिथे कि मै पनमेसर के उपस्थिति ल अपन जीनगी मं खो झन देवंव। हव, मै डराथव, अउ सही मायने मं डराथंव।

मै पनमेसर ले नइ डरंव पर ये बात ले डरथंव कि मोला हजारो लोग मन के आगु वो बचन ल अउ परभु के सामर्थ ल काम मं लाना हवय, लोग मन मन मोर रस्ता देखत हवय अउ मोर कना ले पनमेसर के उपस्थिति अउ अभिषेक मोर जीनगी ले झन खो जावय ये डरावना बात हे अइसे ही होना चाही। ये मोला पराथना करे मं अउ आज्ञा माने मं मजबूत बनाथे। ये मोला टी. वी. बन्द करन देखे जब मै परभु के नांव वेकार मं लेबत देखथंव या सुनथंव।

मै परभु के साथ एक वाचा बांधे हंव कि मै ओकर आंव, अउ मै अनुभव करे हंव कि एकर कारण ओकर सामर्थ समे समे मं जब मै ओकर नांव ले पराथना करेवं। ये चौंकाने वाला बात आय कि बहुत अकन मसीही



मन परभु ले वाचा नइ बांधय अउ न ही ओकर सामर्थ ल अपन जीनगी मं अनुभव करंय। ओमन नइ समझय कि संबंध रखे ले सामर्थ आथे। मै एक कारण देवत हंव कि ओमन बाचा बांधना काबर नइ चाहय वो ये हवय कि बाचा बांधना ओमन ल तकलीफ देने वाला लगथे वो मन समझगिन कि ओन ल कुछ देना पड़ही पर सच मं ओमन कुछ पा जाहीं। (देखव मत्ती 19:29)

ये झन सोवच कि परभु चाहथे कि तुमन अटल रहव जब तुमन ओकर बन जाथव त तुमन ओमा विश्वास रख सकथव अउ अपन सहायता कर सकथव ओकर ले बाचा बांधना ल सिरिफ अइसे करव जोन तुमन कर सकथव। परभु ले वाचा बांधना बस दो मितान मं सहमत होना आया। अगर हमन सच्चा परतिज्ञा करथन त ओ घलो परतिज्ञा करे हवय कि ओ हर समे तुंहर साथ हवय (देखव मत्ती 28:20)।

वो कइसे हमर साथ हवय?

ये कभु झन मूलव कि ओकर नांव हमर साथ हवय। हर समे एकांत समे मं हमन बोलथन अउ ओ उंहा उपस्थित होथे अउ जब हमला सहायता के जरूरत पड़थे त ओ हमर रक्षा करथे। अउ ओ जम्मो योजना मन बर जोन वो हमर बर बनाय हवय पूरा करे के अधिकार दिथे। यीशु मसीह के अद्भुत नांव मं सामर्थ हवय वो ये सामर्थ ल उपयोग करे के इच्छा रखथे, कि हमला चंगा करय, हमर सहायता करय अउ हमन ल मौलिक अउ निर्लज्जता मं, आशीष देवय।

ओ महिमावान परभु यीशु मसीह के नांव मं सामर्थ हवय। ओ इच्छा रखथे कि ओ सामर्थ ल उपयोग करे मं हमर सहायता करय)।

मोर पराथना हवय कि तुमन अमीचे परतिज्ञा लेवव कि तुमन रोज ओकर ले वाचा बांधव अउ भविष मं परभु यीशु मसीह के सामर्थ मं चलव – नांव मन मं सबले ऊंचा नाव।



निष्कर्ष



अउ ओमन ल बीच मं खड़ा करके पूछन लगिन, कि तुमन ये काम ल कोन सामर्थ ले अउ कोन नांव ले करे हव? त पतरस पवित्र आत्मा ले भरपूर होके उकर ले कहिस। त तुम जम्मो अउ जम्मो इसरायली लोग जान लेवव, कि यीशु मसीह नासरी के नांव ले जेला तुमन कुरुस मं चढाएव अउ पनमेसर मरे ले जिलाइस, ये मनुष तुंहर आगु अच्छा-भला खड़े हवय।

प्रेरितों के कामों 4:7, 8, 10

परभु यीशु मसीह के थोड़कन सामर्थ बर नइ कहे जाय सकय, जब ओकर नांव सबले सामर्थी हवय, अउ विश्वासी होय के कारण हमन ल अधिकार दिये गये हवय कि हमन ओकर नांव ल हर हालत मं उपयोग कर सकथन।

यीशु मसीह ये सति नइ आइ स कि वो कुरुस उपर मरय अउ तीसर दिन जी उठय कि हमन अपन घर मं कमजोर पड़े रहन।

पर ओ ये सबले ले ये सति गुजर गिस कि हमन ल वारिस बनावय, कि ओकर नांव के दुआरा हमर जीनगी उपर अधिकार, अउ हालत मन उपर राज करे के सामर्थ रख सकन।



ये पुस्तक एक कुची आय कि ओ सामर्थ ल बांट सकव जेला परभु यीशु मसीह मोला दिखाइस हवय।

तुमन ओ सामर्थ ल पा सकथव, परभु यीशु मसीह मं विश्वास लाके, ओकर नांव के आदर सम्मान देके, अउ ओकर साथ अपन रिस्ता बना के जब तुमन ये बात मन ल अपन जीनगी मं लागु करहू त, बढिया बात मन होना शुरु हो जांही।

ओकर सामर्थ तुंहर ले मिले बर, अउ हर जरूरत ल पूरा करे बर उपलब्ध हवय।

जैइसे ही तुमन ओकर नांव उपयोग करे के अधिकार ल समझ के अपन जीनगी मं लागु करथव, त बदलाव दिखइ पड़ही। परभु यीशु मसीह के सामर्थी नांव मं, जोन समझो नांव मन ले बढिया हवय।



परभु यीशु मसीह के साथ व्यक्तिगत रिस्ता बनाय बर पराथना।

अगर तुमन कभु भी यीशु मसीह ल अपन खुद के उद्धारक नइ माने हव, त मै अमीचे माने बार तुंहर ले बिनती करत हंव, नीचे लिखाय पराथना ल करव अगर सच्चाई के साथ करहू त तुंहर जीनगी मं नवा जीनगी के अनुभव हो ही।

पिता जी

तैं जगत ले अतना परेम रखेस कि अपन एकलौता बेटा ल दे दियेस कि जोन कोनो ओकर उपर विश्वास करय वो नाश इन होवय पर अनन्त जीनगी पाय।

तोर बचन बताय हवय कि हमन अनुग्रह दुआरा विश्वास के कारण उद्धार पाय हवन जोन एक दान आय उद्धार पाय बर हमर कना कोनो रस्ता नइ हे।

मैं अपन मन ले मानत हंव अउ अपन मुह ले स्वीकार करत हंव कि यीशु मसीह तोर बेटा आय अउ जगत के उद्धारकर्ता आय। मै विश्वास करथंव कि वो मोर बर अउ मोर पाप मन के कीमत चुकाय बर कुरुस उपर मारे गिस। मै विश्वास करथंव कि तै यीशु मसीह ल मुर्दा ले जिंदा करेस अउ उपर उठाएस।



मै तोर ले अपन पाप के माफी करे बर पराथना करत हंव। यीशु ल अपन परभु मानत हंव। तोर बचन के अनुसार मै बचा लिए गये हवंव अउ हमेशा बर सरग मं तोर साथ रहहू।

धन्यवाद पिता जी मै अभारी हंव।

यीशु मसीह के नांव मं भागथंव आमीन।

जादा जानकारी बर पढ़व यूहन्ना 3:16; इफिसियों 2:8, 9; रोमियों 10:1, 10; 1 कुरिन्थियों 15:3, 4; 1 यूहन्ना 1:9, 4:14-16; 5:1, 12, 13



लेखिक के बारे में

जॉयस मेयर संसार के एक अग्रणी व्यवहारिक बाइबिल शिक्षिका आय, न्युयार्क टाइम्स के बेस्ट सेलिंग लेखिका आय, वो 80 ले जादा प्रेरक पुस्तक लिखे हवय जेमा *100 Ways to Simlify Your Life, Never Give Up*, पूर्ण *Battlefield of the Mind* पुस्तक मन के परिवार, अउ दू उपन्यास *The Penny and Any Minute*, अउ बहुत पुस्तक मन शामिल हवय। वो, साथ मं हजारो आडियो टीचिंग निकाले हवय, साथ म पूरा विडियो लाइब्रेरी हवय। *Joyce Enjoying Every Day life* रेडियो अउ टेलीविजन कार्यक्रम पूरा दुनिया भर म प्रसारित करथे। जॉयस अउ ओकर पति डेव चार बड़े बच्चा मन के माता पिता हवय अउ ओमन सेंट लुइस मिसौरी म निवास करथें।



काय तुमन सामर्थ के अनुभव करत हवव?

लोग मन नांव मं चंगा होवत हवंय, नांव मं उद्धार पावत हवंय, नांव मं पवित्र आत्मा मं बपतिस्मा पावत हवंय—यीशु नांव मं सामर्थ हवय।

त काबर बहुत अकन मसीही मन बिन सामर्थ के जीनगी बितावत हवंय? “ये सति नइ हे कि ओकर महिमा भरे नांव मं सामर्थ नइ हे” सबले जादा बिकैइय्या पुस्तक मन के लिखैइय्या जॉयस मेयर कहिथे। ये ये सति आय कि हमन मं यीशु के नाव सच्चा विश्वास के कमी हवय।

जॉयस तुमन ल सिंघासन कमरा मं ले जाके पिता के जेवनी हाथ मं महिमा अउ अद्भुतता ले खोजे मं सहायता करथे। ये सीखन कि विश्वास कोन किसम के शक्ति आय। एक मसीही होय के कारण तुंहर अंदर बास करैइय्या पवित्र आत्मा के सामर्थ पराथना दुआरा कैसे दिखाय जा सकथे।

यीशु कहिस, “...सरग अउ पिरथी उपर जम्मो अधिकार मोला दिये गये हवय” अउ “अगर तुमन मोर नांव मं जोन कुछ मांगहू वो मैं तुमन ल देहंव” (मती 28:18, यूहन्ना 14:14) अगर हमन ओकर मर्जी अनुसार कुछ मांगथन त यीशु ह अपन नांव ल उपयोग करे बर दिये हवय।

जीनगी बदलाव करैइय्या? सबो कुछ दे वैइय्या ले तुमन एकर ले कमती आशा नइ कर सकवा। आज तुंहर जीनगी दुआरा पनमेसर के सामर्थ कैइसे दिखाय जा सकथे, एकर बारे मं सोचव अउ यीशु दुआरा बहुत अकन महान (बड़े) बात मन ल पूरा करवा।



JOYCE MEYER
MINISTRIES

Nanakramguda, Hyderabad - 500 008